

三怡堂叢書

師竹堂集

四二

三
山
寺
十
八
日
行
記

三
山
寺

師竹堂集卷之三

三怡堂叢書

汝南王祖嫡胤昌著

七言古詩

大閱歌 代中堂作

聖皇九載春三月三日吉歲豐民物和四海盡寧謐除戎
保泰舉舊章大閱師徒翠華出九旂七翠列轅門肅道清
塵迓至尊鼓角乘春晴旭暖旌旗拂曙瑞雲屯瑞雲晴旭
山川映一語不譁聽號令魚麗鵝鶴倏縱橫虎翼蛇盤寓
奇正組練森森霜雪明砲火轟轟電雷震閱罷連營集射
夫三三比耦爭鳴弧降胡慣使雕翎箭猛將咸彎金僕姑

百步穿楊誇命中觀者如堵皆歡呼復有六郡良家子少
年結客沙場裏耀日銀鞍萬馬騰衝星寶劍雙龍起自許
橫戈出玉關還思仗鉞摩胡壘一時列隊羨鷹揚衛霍當
年想如此單于使者來闕庭亦隨耄穉觀郊坰觀之未竟
已褫魄稽顙齒指欽威靈欽威靈讐神武英風雄姿符
烈祖萬全制勝本帝王五材並用同今古都城父老兢焚
香欣欣相告頌維揚已挽天河爲雨露即看沙磧變農桑
謀臣不用談三策猛士何須守四方八表梯航趨禹會兩
階干羽坐明堂稽首共獻大闕歌車攻吉日詎足多金甌
玉燭綿千祀願慎佳兵繹止戈

謁陵篇

太行蜿蜒極漠野勢如雲際馳天馬海外十洲未足奇寰
中五嶽風斯下清寧融結神京北崑崙萬里來龍脉疊嶂
層巒羅四圍晴空幻出芙蓉色天造佳城鞏帝圖九陵相
望列仙都玄宮五夜輝珠葆碧巘山秋闕玉襦玉襦珠葆
愴皇情春祀叨倍展謁行才渡沙河精爽越鬱葱佳氣接
昌平璇題寶楔紅門路異境霏微散香霧寢殿中宵簪珮
趨明樓晴日風雷護瑤草琪花徑轉幽靈區無地不丹丘
泉飛萬壑寒堪浥嵐濕千山翠欲流小臣前歲使關中秦
漢諸陵一望通石盡南山殫地利樹依北斗象天工下陳

遙想三千盛天府徒誇百二雄落日逢人尋往蹟咸陽原
上但悲風不獨繁華易消歇由來福地種明德不然開闢
有此山胡爲靈秀今始發華表嶙峋碣石尊鼎湖縈繞桑
乾澈豐碑龍篆並乾坤長隧魚燈明日月祠官禮竣扃原
廟炬焰星光明遠嶠複道淒淒犀象閒陰崖颯颯鼙鼙嘯
瞻眺低徊夜已闌空山風急不勝寒壯遊自詫航玄攬此
地方知是大觀高厚難忘列聖恩餘生何日謁陵門汀洲
極目迷芳芷回首蒼梧欲斷魂

駕幸石景山觀渾河洶湧念黃河時有衝決諭輔臣

悉心經理仍命作詩紀之

白竹堂作

西成萬寶奏美利邊塞無塵閭閻遂宸游豈是玩物華要
識觀民省方意鑿與時駐石景山渾河山下流潺湲洶湧
澎湃勢轉急恍如天漢傾人寰叢爾蹄泮尙如此矧伊長
河千萬里雷奔聲陋海門潮風狂險矢瞿塘涘潰溢衝決
疇與爭忍視桑田任遷徙日日亟發水衡錢年年頻遣河
堤使聖懷軫念無時忘丁寧天語諄且詳得人經理乃要
務毋徒禹跡空茫茫微臣奉諭良震讐安居曷敢忽利涉
任勞恨不身負薪濟時每愧才非楫恭傳聖語懋司空協
謀殫力攄河工千艘穩渡桃花水億載常依匏子宮淵哉
吾皇濊澤深遐陬僻壤咸謳吟沖虛不喜河清頌惕厲真

同已溺心吁嗟萬事寧獨河涓涓不塞將奈何針芒蟻穴
恒圖細聖德神功永不磨

恭題成祖御馬應制

名駒產自渥洼濱隱隱頭角生虬鱗揚鬃萬馬盡辟易舉
足千里無纖塵遠來西極開疆土鄭村馳騁如彪虎流矢
中胸愈奮迅晨鳧紫燕何足數偉哉奇駿遺毫端不獨形
妙神亦完雄姿已令景_隆走生氣猶欲蹂呼韓恭玩良久
歎且愕乾坤再造頌清_平紀異徒誇天馬歌論功堪繪麒麟

麟閣

右龍駒

嗟棗駟帝尤當以爲來
規太乙目炬炯兮如懸鈴口噴
紅光沾汗赤應噓八駿
逢時何貴寰中遍轍跡嗟棗駟
靖疆場衝鋒不憚傷鳴
人臣食祿而愛身按圖內省寧
自釋嗟棗駟感疇昔小河故壘猶奕奕

右棗駟

曹霸丹青宛若生晚霞閃閃照人明只今尙說白溝績漢
末空傳赤兔名異質爭看出祝融曾從赤帝建奇功屬車
此日雖無用朽索兢兢軫聖衷

右赤兔

奉詔入直史館茶紀

聲遠讐黃龍府星馳露布奏神京東顧真寬拊髀情敢謂
發踪成偉績由來廟算仰天成立工不宰勞温論文綺白
金重拜賜內帑光搖雪作姿天機瑞映雲爭麗臣心私擬
百鍊鋼寵服敬以什襲藏感恩忍作買山計圖報矢贊垂
衣皇辛苦不獨遼陽鎮佳兵好繹先民訓大賚時宣挾纊
仁務農解甲休邊郡

進講大寶箴擬柏梁體

欽哉惟辟宅高崇紛躋萬類咸帡幪勿謂宸極天體隆爲
君之難日忡忡寧以一人養寰中勿以天下養其躬禁奢
防佚欲靡攻左史右事識益充四時慘舒三光同聲律身

度臻和冲勿謂無知天至聰勿謂無害小易叢居僅容膝
誠瓊宮味取適口糟丘恫荒禽荒色鮮克終好音好貨民
困窮勿謂已尊傲或乘勿謂已賢諫弗容漢高大度文小
心欲軼美之罔弗恭冕旒蔽目視靡膏黜纊塞耳聽靡墜
欽哉箴詞治有功置之座右凜臨戎法言進講攄丹衷願
帝釋之虛懷從豈但貞觀相比隆

元夕同趙溟南館丈李秀巖環衛茅平仲朱汝修二

徵君集憲副劉仲修宅觀燈登臺望月醉而賦此

大王萬曆開新紀海隅寧謐謳歌起帝京自昔稱繁華况
遇元宵風物美六街雪霽淨車塵遙空雲斂澄潭水玉盤

冉冉碧波中羅襪盈盈明鏡裏
靈使風流自掩門
瑤箏錦瑟對金尊
鮫絲彩映魚龍戲
蛤粉光懸象馬奔
象馬魚龍渾未了
銀花綉爛湖山曉
脉脉分紅入夜卮
霏霏綴玉浮春沼
使君愛客更登臺
臺上還將醉眼開
如此良夜如此地
登高真愧大夫才
瓊樓咫尺擬天上
鳳膏燈外移仙仗
春宮萬戶夜珠圓
太乙靈光耿相向
使君勛業著西睡
解組歸來髻未絲
藝圃盛傳林月曲
劉孝綽有林下月影詩
歌工爭唱竹枝詞
劉禹錫竹枝詞爲絕唱
逃名范老無人會
獨樂温公每自期
公精舍春帖用二公事
招飲時留名嶽偈
避喧常誦北山移
緬子幸識荊州面
唱酬况復借羣彥
陽春白雪和應難
良夜高人

重眷戀登高臺望故鄉故鄉此際樂未央明珠翠羽照瀨
水欲飛無翼川無梁嗟吁乎黃金築臺傳往昔茫茫平楚
成陳跡但願狂歌酒不空四時佳會皆元夕斗轉參橫月
已闌泠泠仙樂下瑤壇月中應奏霓裳曲直欲乘風上廣
寒

元夕燈市與同館諸丈暨劉玄子進士盛泰甫山人
小集因與呂蔡諸國手圍碁憶丁丑是夕同館會
此物故者七人矣愴然有懷

帝京元夕稱佳麗百年况際承平世天街晴暖月倍明人
海魚龍夜潮沸燈市連雲盡畫樓樓上珠簾不下鉤輕霧

暗消丹鳳襯香風遙襲紫貂裘綵棚火樹煥初春此時誰
不逐芳塵金張許史恣歡宴俠烈那知寄酒人酒人碁品
擅絕藝雄姿到處爭辟易同時國手集一堂何事揚州滯
小方吾家積薪遇仙姥授予秘訣非荒唐燈月交輝試數
局碁聲如金復如玉悠然遠韻隨天風清音何必絲與竹
追憶詞垣舊弟兄十年曾此共楸枰珠還合浦聊開抱笛
聽山陽亦愴情嗟我重來頭半白苜蓿齋中猶作客司業
雖貧饒酒錢爲君沽酒酌佳夕佳夕易去可奈何東流之
水無回波此時此會不爲樂唾壺擊碎徒悲歌

長安宮人行

行行重行行御溝春水清
輕陰三月暮飛絮滿都城
水畔銷魂處一葉隨流去
可憐此水無停波千里萬
里迷烟樹
人生何事最堪悲
女入掖庭男遠戍
或戍有歸期深宮無
見時不聞顏似玉
但說鬢成絲
歲歲年年暗中度
娥眉始信從來妬
感遇愁賡團扇篇
攄幽漫擬長門賦
先帝乘龍去不迴
夜深時望集靈臺
鼎湖尙記遺弓處
莫遂攀髯痛若摧
今皇御極承先志
間殺霓裳羽衣隊
內庭傳制放宮人
點名各有金錢賜
紛紛拜罷立丹墀
似夢非真轉自疑
樊籠乍出雖心樂
瑣闥初辭亦淚垂
回首大明門門深似
玉恩鬱惹宮樹已不見
况復依稀見至尊
峩峩宮樣粃款

欵凌波步紅綃翡翠圍紫袖鴛鴦護長安東街親戚迎誰
無父母與弟兄車馬擁巷不得去不能辨貌但呼名水邊
樹影雜人影橋上歡聲閒哭聲我見此事長太息古人豔
麗領人國新政恒存節儉圖重譯窮荒歌聖德父老相談
武皇之初年佞倖權閹種種滋蠱惑后庭充斥不復御又
向民間選絕色遂令幽閟干天和旱蝗處處皆盜賊興亡
治亂古今同格心外此更無職我願吾皇躬立默慎終如
始無反側關雎之化軼成周乾健坤承立宸極客寄長安
愧傳食際時亦欲修羽翼醉歌燕市祝華封多福多男壽

千億

三月朔閣試畢同王環伊館丈出憇右闕門會許純
吾侍御邀飲張中貴水亭日暮出朝慨焉有作

鳳閣揮毫出左掖右闕門內中璫宅層軒邃室巧相連盆
池金鯉環奇石內酒珍庖羅几席嘉蔬滿畦手自摘傾蓋
不用投轄留相逢况是高陽客酒酣別逕叩幽扃鑿翠玲
瓏出小亭太液金波浸卧榻建章玉樹拂疎櫺幾行鶯燕
啼清樾百隊鳧鷺戲遠汀嘯歌不覺日西下幾玉飛珠石
隙瀉水光日影蕩空明倚窗毛骨皆瀟灑腐儒何幸謁金
門中秘圖書恣討論日享大官慚素飽來遊禁籞亦君恩
主上厲精罷游豫龍舟鳳舸繫閒署苑柳殷勤拂御溝春

風盡日流飛絮魚鑰初傳衛士催
長安門外重徘徊短簑
忽憶漁人浦烟雨橫舟花自開

夏日同震川何太史過天壇訪蕭鶴泉道人手談留

飲索題

嗟予性癖世所諠獨與楸枰結久要
淮南冀北隨奚囊舊譜殘經探奇妙
南有髯鮑北有顏鷹揚虎視雄人寰
二子相忌不相識往往變服窺其間
區區小技胡乃爾生瑜生亮心何慳
鶴泉道人豐且美閉關頗得玄玄旨
劍客高僧時往還轟雷掣電須臾起
夏日聯鑣何太史尋幽散步天壇裏
寂寂長廊旛影高琤琤玉碎閒落子
敲門直入圍方

紙虛牖瀟瀟對殘壘馬服驅秦疾據山淮陰疑趙先背水
機心萬劫當自度真竅鑿開混沌死鶴泉鶴泉且罷兵烹
茗閒坐說無生爛柯樵子同局戲隱橘仙人類聚萍月上
瑤階天宇靜爲予試讀南華經

席上贈李大將軍惟寅

絳灌不能文隨陸不能武嗟乎此道本難全徒使英雄恨
千古元勛開國首岐陽分茅累葉俱鷹揚君侯奕世振餘
烈金書鐵券多輝光飛將絕技匪人授謫仙天才冠前後
龍江居首重干城虎旅專符典禁兵幕府北邊休戰士平
津東閣禮儒生德禮從來頌不伐君侯高誼疇能埒市上

驚盍公子車階前欣結玉生襪陸沉金馬愧吾儕索米誰
知作客懷何當揮麈同開士來訪君家貝葉齋

送大冢宰汝臬趙公之留都

偉哉名世生天中宦途不愧清獻風凝樞北斗重台望持
衡南國原宸衷古今南國稱佳麗銓曹况近雲霄際流品
應同江水澄文昌獨挹鍾山霽秩首周官孰與儔星辰曳
履日優游九重聖王躬玄化八座元臣尙黑頭聖王元臣
契魚水秦交晉接光前史旦夕徵綸出建章仙舟早發秦
淮水

抵汴褚愛所中丞趙用吾侍御招飲憶早渡河風濤

之險席間有作

凌晨渡大河奔雷浴日衝鯨波薄暮駐梁苑金卮銀燭開
芳宴一日之間且如此茫茫百歲疇能擬君不見朱仙鎮
北高原草云是黃河之故道又不見夷門之外多荒墳不
知誰是信陵君悽惻爲君歌慷慨爲君舞眼前便已成干
古但得樽中酒不空浮雲變態何足數

張玉車寄所輯岳祠志感而有作

宋至南渡誠可怪萬里長城忍自壞相檜能爲偃月謀臣
構甘下窮廬拜片紙下獄岳侯死寃血盡染西湖水英魂
天上無不之首丘尤睠湯陰里湯陰古廟柏森森恢復知

同漢相心我昔往來薦蘋藻黃鸝碧草流哀音玉車張子
西川豪高誼真可薄雲霄生平忠孝與侯契夢寐千載成
神交蒐侯故實爲侯志汗青耿耿闡秘祠下常衝俠烈
冠燈前幾墮英雄淚吁嗟乎金戈百戰空荒墟低徊不忍
讀此書爲人臣子二心者過此流汗應迴車

曹荔溪中丞見訪同上江滸坐琵琶亭慨然有作

琵琶亭隣古驛破屋蕭蕭黃葉積不盡長江日夜流多情
司馬空陳跡亭中高歌琵琶行江心如弄琵琶聲音哀調
古兩悽絕亭空江靜難爲聽帆檣停泊應無數就中亦有
商人婦坐上寧知詞客心船頭癡望浮梁路千古恨此滸

陽明月依然過女墻天涯淪落易生感不必琵琶能斷腸
東林寺次陽明先生壁間韻

入山步步拾瑤草才渡虎溪山更好未論海上有三峯先
向寰中探五老瀑布飛流萬壑哀日高十丈峯雲開幽巖
空翠衣盡濕泠泠忽送天風來躡霧穿雲重回首山靈酌
汝一杯酒已知劫外萬緣空何用人間三不朽白蓮淨社
但虛亭落日鳧鷖浴遠汀明日下山吳越去數峯江上爲
誰青

錦繡橋贈別慧上人

講經臺畔茅菴結夏臘都忘頭似雪避人常把竹籬關烹

茶自斫松枝藝可怪豐干多饒舌
一宵爲我剖真訣萬法非色亦非空
一切不生還不滅色空生滅竟何如
吸盡西江向汝說他年記取錦繡橋廬嶽
高僧留偈別

訪張洪陽留飲夜分別墅桂甚巨先人手植公生子
而芝產其下索予紀之

洪陽先生才絕倫經帷胄學稱名臣直道不慕夔龍侶雅
志甘與漁樵隣緬予弭棹滕王閣訪君幽齋留小酌引杯
燒燭自情親不覺高城孤月落君家別業向江開叢桂先
人手自栽未至九秋涼意發先聞十里異香來慶門懸弧
喜氣盈桂旁忽報靈芝生禎祥感召信不偶造物于此何

分明仰攀仙桂攬三秀祝君多男復多壽國恩庭訓兩相成努力乘時翊明后

富春釣臺

兩山相去僅數丈雲氣嵐光日庭盪峽中一水映翠微溶溶淨綠好染衣亭臺千尺臨江濤云是披裘釣魚處幽巖不見有垂綸惟有絲蘿拂孤嶼漁人導我躋危亭江流逾碧山逾青夜深臺上感玄象寥廓何人應客星

訪張伯起幼于求志園不有留贈

君不見二陸相携同入洛提兵眼底無衛霍保身不信泥塗龜臨危始憶華亭鶴又不見風流麗藻稱潘卿閒居賦

寫娛親情乾沒頓忘慈母誠遂令千載身名傾勾吳張氏
好兄弟連枝玉樹菰蒲生辛苦耕田自食力殷勤奉母無
他營伯也公車不肯赴閉門攻竄文選註博識能令倚相
驚新聲解免周郎顧仲兮年少稱白眉懷瑜握瑾韜清時
窮經不主後儒說濡毫獨撰先秦詞緬予神交十年久早
春擬醉君家酒閭門只尺不相逢解纜吳江重回首君不
可馴神龍儔我亦不肯甘蟬蛸寰中五嶽亦云隘與爾同
爲八極遊

贈張將軍

我本武胄學爲文如雞雖美鶴非羣君本儒生乃學武威

如距兎雄如虎歲暮聯鑣謁帝京南宮司馬俱成名已知
定遠久投筆尙媿終軍未請纓君歸淮南我冀北欲逐歸
旌猶未得君幟能令酋虜驚我銘亦可燕然勒都門餞別
對斜曛春樹重重問暮雲帶礪恩深何以報致身百戰建
奇勳

宿碧雲洞

碧雲洞外一玄鶴碧雲洞裏雙石床泠泠徹骨目不合呼
童半夜敲僧房藉得袈裟覆兩足床頭松子充餽糧既飽
且暖乃熟睡不覺紅日明仙窗老僧笑問何所夢瑤臺十
二朝元皇

回山王母宮

有序

予垂髫時苦多病筮焦氏易林有西遇王母之繇
茫然莫省所謂今年夏奉使韓藩過涇州則王母
宮在回山上嵐光靈氣映几席間州守河間趙君
邀大行肖岩李年丈偕予登謁憶筮詞廿餘年矣
茲行信定數哉感慨賦此

我生十四五時疋羸多病愁難醫焦氏易林著神驗西
遇王母昭占詞巫咸上天方朔逝廿年闕旨茫無知慈航
何由濟苦海凡骨豈合娛瑤池星輅西過徑原道回山秀
拔饒芝草瓊臺玉宇出高峯烟霞恍惚蓬萊島州人云是

王母宮地脉遙與崑崙通周穆漢武曾駐此鸞旌鶴馭親
相逢我聞矍然感疇昔齋沐更衣捫蘿薜丹梯千仞拜金
容惘然香案僧供役雲階稽首叩玄關予也何罪來塵寰
何繩可以繫白日何藥可以駐朱顏蟠桃結實今幾度危
枝何術能攀援俟命良久杳無語碧雲暮合愁空山王母
不可見瞬息桑田變瘁神而狗名奚殊逐飛電空同返照
下瑤臺谷口猶疑八駿來黃竹歌殘青鳥沒涇流東去幾
時迴

送憲伯楚石陳公入賀萬壽便歸祁陽省觀

豐年簫鼓家家樂民服刑清物咸若使君持憲凜冰霜村

落安眠夜寒廊郊原十里起歡聲彩幟悠揚鏡吹鳴怪道
山川生紫氣使君賁捧上神京仲秋爽霽卿雲結萬壽無
疆屆聖節九天閭闔拜宸旒華封三祝羣生悅賜金錫宴
動承明喜溢天顏憶姓名此日趨朝同舞幘當年攬轡頌
澄清前驅負弩出長安道路猶看舊豸冠省覲恩暉晴旭
煖庭幃具慶好承歡承歡日日開嘉醺萊綵宮袍色交綯
駝峯熊掌未足珍上方帶得仙庖饌壽君壽親壽天下此
行忠孝疇方駕知公雅志在經綸榮名富貴何須詫暫別
臨歧亦愴情殷勤父老望歸旌楚江莫遣文魚寄申國應
憐竹馬迎

畢生從周年少慕俠在金陵僧舍贈予日本小刀子

詩以謝之

豐城靈氣射霄漢夜夜斗牛光燦爛神物千年鑒茂先真
精一旦開雷煥雌雄會合騰空去寶鏑寒星但烟霧豺虎
魑魅晝成羣壯士拔刀殊不怖歐冶之後無神工割雞屠
狗汗腥風蕞爾烏夷乃奇妙鐔頭一尺秋霞紅時聞夜半
蛟螭吼霜鋒久亦厭羣醜海腹焚盡倭奴奔此物委棄如
敝帚畢生好奇輕百金得之起舞天爲陰邂逅相逢卽相
贈感君豪俠衷懷深東南鬼火悲風送髑髏那入深閨夢
嗟爾當年殺幾何把玩無言心自痛不願爾斬郵支頭不

願爾報燕丹，仇何當海隅。
風塵靜，彈鋏松窗伴醉謳。

題呂布射戟圖

將軍凝立雄如虎，右手發弦左持弩。
一點寒星中小枝，兩行逢逢鳴畫鼓。
靈也喪氣備也舞，十萬豺豸難用武。
非關絕藝冠時流，自是神謀佑英主。
嗚呼爾布信驍雄，解紛況有俠士風。
關張義烈不爲伍，忍心回面甘彎弓。
一朝技盡爲人執，轅門縛虎何太急。
萬人之勇八尺軀，乞憐搖尾何嗟及。
荆卿七首刺秦王，事雖不成名亦揚。
曹瞞當射不能射，嗟乎石藝止中戟。

送岳將軍之遼左

遠別已黯然秋風况蕭索把袂慘不發含酸日酬酢為問

遼勿路幾何山海巖關控沙漠憶昔授業尊公門韶年即

許官詞垣我領鄉書師已化築場媿未報深恩君棄諸生

承世業虎符鵠印聲燁燁止知任事身可捐詎意旁觀目

先懾桃李不言下作蹊蕙苴未載書盈篋荷戈躍馬黃龍

外落日寒風麗綵煇先登獨斬大酋旋星馳露布承恩賚

省墓暫假還故鄉松楸滿眼俱荒涼通衢尙識丹霄署師

任戶部郎中所建坊舊業今無化日堂聽事扁武剛王親書池臺易主不須悲

變遷陵谷恒如斯丈夫報國誓馬革匈奴未滅家奚為慷

慨激烈萬里行河山帶礪重申盟胡笳羌笛可侑酒莫因

聽作斷腸聲我聞飛將饒威名東北雄峙逾長城君依幕
府藉百勝磨崖先勒燕然銘有歌莫向離亭賡有淚莫向
離觴傾加餐努力懋竹帛轅駒穴鼠真虛生誰言異域無
親明誰言治世銷戈兵聖明拊髀思頗牧僕射推心托父
兄

元宵有感

少年每遇元宵節通夕遨遊不整輟邇來多病復多愁獨
對寒梅更淒絕誰家張宴舞且歌歡娛如此良夜何城中
歲歲華燈盛城外年年荒塚多歲歲年年若轉輪城中城
外總微塵不如還學少年態去住適然任幻身

楊花篇 有序

歌姬杜少韋自湖南來偶遇席上見之時值春暮
楊花粘拂髻髮杯竿盡失故態姬當筵敘述悽苦
感而作此贈之

三月楊花大于掌迷漫盡日無人賞點點隨風入硯池盈
盈作雪飄書幌亂紅飛盡可憐春猶藉餘芳伴錦茵主人
惜爾留無計席地傳觥意轉親湖南美人冰玉潔腰支裊
裊風初歇陽關唱罷怨別離章臺路遠愁攀折自言系出
杜韋姬十二琵琶已擅場魂遊楚國襄王夢救惱蘇州刺
史腸少年不省窺門戶嬌羞每觸歌師怒新聲唱徹柳枝

詞弓鞋踏遍梨園路來時嫩葉未藏鴉瞬息柔條已作花
身似楊花何處定眼觀柳葉轉思家當筵訴罷風逾急疎
簾故捲千條入墮絮愁凝盃竿浮沉陰晝結琴書濕移尊
堪笑復堪疑高髻雲鬢變素絲湯餅頓輸何晏面遠山誤
認季常眉郢人雅善陽春調楚女愁賡白雪詞白雪陽春
和者寡惜春况對傷春者陌頭一望綠依依猶記河橋曾
繫馬美人美人莫深愁楊花楊花且暫留邂逅相逢本飛
絮青衫何事淚長流淚弗流懷亦惡天涯感慨今猶昨更
與殷勤唱渭城故園楊柳今搖落感君自捧薛濤箋醉中
聊贈楊花篇隋隄漢苑君休問古道淒涼咽暮蟬

種竹

吾家子猷雅愛竹戎也於此亦不俗古人玩物各有真豈
 肯因人成碌碌嗟予性癖甘幽獨平生不帶看花福惟與
 此君有夙緣朝夕對之勝食肉竹里先生好猶篤手植森
 森萬叢玉載酒敲門日不空彈琴自製江陰曲有時長嘯
 幽篁裏嶰谷遺音尙盈耳翠篠時驚老鳳棲靈根似逐春
 雷起先生仙去三徑荒疎籬蔓草如人長孤尊無復清遊
 處舊有草亭在竹內楚何吉烟雨猶存師竹堂咸唐先生有記悲
 歌醉擊漸離筑琅玕刻句不忍讀奇節清魂若可招歲寒
 相伴依茅屋復我西園千萬竿紛紛綠雪灑闌干斲開苔

鮮通虛牖移卻蕭湘入坐看當年已見田橫義今日重交
薛客驩嫩篠漸含霄漢勢臨風感舊但辛酸

海雲堂東麓招焦處士

焦山兮青青海濤兮柏空泉咽兮碧磣露冷兮丹楓烟炎
熠兮沈幾託遐逝兮雲房欽高躅兮凝佇聆妙響兮薄叢
翳曖瞠兮恹黯心繚悞兮未降

若有人兮山之幽紉蘭芷兮臨芳洲光陸離兮映中流鑑
貞素兮徠遨遊御虛冷兮發鳴樛酌寒泉兮蘋爲羞蕩巉
嵯兮魚龍愁願尙羊兮結綢繆

師竹堂集卷之四

三怡堂叢書

汝南王祖嫡胤昌著

七言古詩

寄衣曲 有序

古今寄衣曲多矣大抵悲歌繼眷而致身之義無聞焉豈閨人語應爾耶獨國初唐肅處敬憶征夫憶征婦二首慷慨激烈無傷別悼遠之態其詩曰
征婦憶征夫死生竟何如寧作戰場骨莫作降人奴
征夫憶征婦慷慨不成悲只愁生有賊不恨死無兒
吁可以風矣今竊其意作寄衣曲雖詞旨不

倫揆之於誼庶乎不拂焉耳

孤城蕭蕭落寒木
半夜霜風入空屋
驚心歎起遶階行
旋撥殘燈製征服
郎瘦郎肥雖非故
衣窄衣寬寧信度
牙尺遙思未去身
剪刀已斷生歸路
嫁君自謂終裙布
從軍敢怨良媒誤
人生聚散各有時
青衫枉泣江州婦
破綿敗絮重重補
衣者寧知作者苦
一毫以上盡君恩
普天之下皆王土
朝廷念汝寒尙衣
進御顏無歡數語
挾纊且感泣解衣
衣汝心何安寄君
衣多添線線多綿
柔好酣戰模糊點
點虜血腥捷書飛
奏承明殿妾身幾
欲赴沙場婦人軍
中兵不揚馬革裹
屍丈夫事千年文
繡永留芳君不見
東鄰

有衣寄關山惟勸良人及早還又不見西鄰惡少美裝束
錦襖狐裘徒碌碌人生忠義殊奇偉弱草輕塵能有幾
憐桓桓李將軍至今甘作單于鬼塞月悲笳幾處明綈袍
戀戀寄秋聲須知海內君臣義莫念閨中兒女情

妾命好

有序

朱淑真以才色配農家子人咸傷之今觀其所著
斷腸集殊怨恨揆之人情固無足怪而國風忠厚
之意微矣今反其意作妾命好使不得於所天者
讀之感悟而不自處於薄也于人倫其少補乎

人傷妾命薄妾幸妾命好茅屋在深山農家無煩惱即力

田妾採桑炊熟共郎飽蠶老成衣裳終歲不入縣門去且
喜生男又生女百年但得不分離卽是人生至樂時君不
見胡笳聲清且酸黃沙萬里嫁呼韓又不見琵琶伎擅樂
部老來流落商人婦紅顏薄命奈若何妾之所得亦已多
瓦甌自舉新熟酒卽醉莫愁兒女守

城南父老行

長頸瘦軀如病鶴一月空齋良索寞曉來強起檢藥方似
脫樊籠欲出郭行吟澤畔覺清涼慘淡悲風吼白楊何處
哭聲來曠野嗚嗚絮絮斷人腸行行杖策到荒谷舉目蕭
條一破屋推扉獨坐白頭翁自補鶉衣向隅哭見予入戶

疑且驚子因慰告姓與名始知不是縣衙吏
收淚控訴悲哀情自言家世此鄉在一男耕田一男戍孫女十五未嫁
人老妻七十供農具長男有妻次未婚骨肉數口依荒村
不知商賈與工匠薄田十畝充饗殮年年生計望升斗女
織男耕不憚苦官稅早輸心不憂豆粥菜羹勝醇酒豈知
連歲遭荒凶一冬無雪草茸茸自春抵夏已四月旱風炎
日朝朝同石爛泉枯田欲裂十里遠寄泥滓穴一點水如
一顆珠望雨何似眼中血今春斗種藉富人到秋倍償仍
送新把來下秧盡枯死黃犢牽去誰能噴瓶中粟米無一
粒上司催糧風火急人傳又加地畝銀無可奈何只對泣

果然吏胥下鄉來奔突叫號山爲摧折屋敗垣逞兇焰督
責時刻難遲迺支吾輾轉無人色家私未足供培尅可憐
十五女孩兒賣與鹽商泛越國券成止得二千錢盡爲吏
胥肩持還牽衣頓足吏不顧茫茫何處呼皇天三日無食
饑欲倒滿村瘟疫誰能保老妻子婦相繼亡無衣無棺棄
荒草長男十載戍遼西萬里音書隔鼓鼙戰骨多應河上
朽登高一望一悽迷只今惟有老夫在東乞西求日昏曠
郊原早晚飽鷲鳥誰爲殘骸掩土塊嗚咽訴罷不勝愁寒
蕪落日風颼颼平生耻爲兒女態聞言不覺淚雙流老翁
老翁且斲已脫衣聊爾供薪水人逢離亂狗不如古往今

來盡如此

壬戌四月十七日予有慶午兒之痛閉戶月餘蓬頭垢
面幾不可復識親友枉過皆謝不見時旱甚偶步城南
邂逅老父感而作此雖詞極鄙俚然皆紀實使良牧者
見之安知不與石壕吏捕蛇說諸篇並增悽惻也嗟夫
潯陽老婦區區一身無關世事且使詩人文士掩泣感
傷至賦數百言不已矧茲老父流離哀苦有大不同者
乎剪燭投筆爲之三歎

送王生之遼左謁王四槐憲伯次韻

王生負奇氣仗劍過遼水匪云事遠遊感恩報知己此去

遼陽路幾千萋萋芳草媚春烟成功辭賞歸家卧卻憶當年魯仲連

新正書所見

冬雪猶較可春雪愁殺我瓶中既無粟爐中又無火官家擇日已開倉催租如虎驅羣羊尋思欲作自盡計一身雖死仍遺糧可憐一女顏如玉十四未省離娘傍商人買去不容別即日舟發之淮陽官租才了貧依舊孤燈破壁雪逾強誰家元夕喧簫鼓通宵唱徹黃金縷幾人歡樂幾人愁獨撥寒灰淚如雨

子藝索新菜以所攜虎丘並中洽餉之

華山處士睡正熟玉川先生致短牘開函云苦病相如欲

得新茶澆渴腹今春與客遊虎丘雨前自採溪山頭中冷

遠汲景純墓中冷泉在金山寺側郭璞墓傍珍之不異來瀛洲分水一壺

茶半筥活水還須活火煮松聲稍靜傾磁甌甘露醜醜詎

如許先生家在西湖濱年年龍井嘗先春玉泉冷泉品第

一得無因此思鱸蓴鱸蓴信美未足思天涯萍跡任所之

金莖紫茸不須啜忘形痛飲真吾師先生頗動歸念故藉此留行

中秋獨坐感懷

中秋明月不常有登樓自取床頭酒世上知心能幾人不

辭爲爾傾數斗杯中澱澱金蛇走桂子紛紛香在手廣寒

宮殿幾萬重詎意今宵落吾口玉蟾皦潔還在天舉頭把
酒心茫然但得清光貯我腹爲澆塵俗挾飛仙飛仙不見
徒悲歌滾滾長江催逝波浮生有限真堪惜明月無情可
奈何月不常圓人易老萬事不如持盃好賢愚貴賤安在
哉月輪常伴荒原草須臾酒盡聞清鐘西巖半墮張虛弓
憑虛莫起無窮感天上人間總是空

非賊婦 有序

烈婦事予既爲作傳矣復以言太矯激又擬作古
樂府一首所謂言者無罪聞者足以誠焉耳

妾夫不爲盜乃誣劫盜死生既爲寃人死亦爲寃鬼前日

縛夫去所恃官如矢今日來候夫屍棄城西途面目那能
識但集鷲與烏別君時倉皇不能語尙念衣未澣囹圄受
酷暑獄吏橫索錢賣牛復賣田嫁君止知鋤與犁不意今
作賊人妻君名已賊君身已腐妾名妾身良獨苦不如與
君相率叩九閻祇恐三年天不雨

九日登南城樓朋侶凋謝愴然感懷因翻杜意

九日登高非禳辟川原縱眺慰愁積孤城鴈過菊未華遠
驛山橫日將夕短髮無心爲正冠浮生擾擾只悲歡去年
人健今何在手把茱萸不忍看

爲司傅野吏部題萬竹草堂

平生愛竹真成癖，穠李夭桃詎能易。敲門刻句忘親疎，汲
泉灌笋無朝夕。自憐嗜好都棄捐，獨于此君有夙緣。草枯
木落深山裏，琴書枕簟俱蒼然。君家住在湘江曲，盡日瀟
瀟對寒玉。月明清嘯發幽篁，逸韻天空吹斷續。山公豈是
竹林儔，雅性亦慕王子猷。一朝秉銓鑒流品，汗青大業垂
陽秋。沙市萬竿凌碧漢，渭川千畝何足翫。願君永固歲寒
盟，直節虚心作貞幹。嗟予亦構師竹堂，年來荒蕪澗水傍。
迢迢未報平安信，翠袖天寒望夕陽。

同宗伯何啟圖郡伯沈星吾泛舟灑河

往年春初常苦陰，今年亢旱春已深。遠澗得水等獲璧，鄰

市重糶如遺金農家愁極不能寐坐見田廬幾更易夜半
立雲忽蔽空飛瀑奔泉四山至捲簾倚檻眺西樓牛馬不
辨惟洪流滄浪短笛聞漁唱麥隴長鏡聽野謳野謳漁唱
雜河澣頃刻黃塵成沃土兩歧五袴頌循良壯心未銷爲
起舞循良者誰曰沈公璽書再錫來天中清勤民事猶家
事惠愛而翁即若翁帶圍之寬爲民瘦廉平一念天爲通
樓船簫鼓豈遊豫豐年樂事人人同太守之樂不在酒今
日爲民盡數斗烏帽斜簪幽嶼花朱轡輕拂遙隄柳晴嵐
遠樹雙眼明片帆落日映孤城潦倒憐予亦共載空慚擊
楫大江行君不見茫茫瀛海安所期令名湮沒誠可嗤願

將膏雨三春事再咏幽風七月詩

五言律詩

陪駕恭祀長陵

地據分封勝天開再造功
睿姿元聖武宣力盡英雄寢殿
雲霄上戎衣霜露中小臣倍
苾祀感頌意無窮

陪駕恭祀永陵

代邱崇三讓堯文煥四方寬
仁同孝廟神武繼高皇獨斷
垂謨遠無爲御極長橋山蒼
翠表瞻拜淚沾裳

陪駕恭祀昭陵

今古仙靈閱乾坤淑氣凝峯
迴千馬下池抱九龍澄玉匣

明珠葆丹崖擁壽藤寒霜香霧裏爭拜漢文陵

昭陵規制
視長陵永

陵獨
齋云

扈駕宿妙應寺毘盧閣

紺殿俯平川霜林媚夕烟
慧燈明淨界寶月上瑤天
西極玄縱杳南山別夢牽
塵緣猶未了那問老僧禪

駕幸西壇

龍墀鼓角傳鳳輦出春田
芝蓋晴團日霜戈曉拂天
壇開仙陌草幄引御爐烟
潘賦今誰奏遙聞賜綺筵

孝懿莊皇后挽歌

八首

德履孚潛顯仁風被邇遐
乾坤成化育日月繼光華
長信

餘彤管立堂隱絳紗徽音難髣髴流恨入哀笳

凝休昭廣夏崇典正長秋社肇當熊注神應跨鳳游虛無
來玉珮恍惚駐丹丘六駝立城迴寒烟起暮秋

擬舉親蠶典鸞輿出內園三盆臺竟寂萬葉樹空繁霜草
秋盈苑雲車晝掩門月氏香可覓無計返仙魂

金所辭清禁瑤階引素旌祖筵悲太妣廣隧導飛瓊異命
隆徽號坤維永令名淑靈徒悵望縹緲隔蓬瀛

悵淡清河路招搖畫宴悠攀號同萬姓寂寞掩重丘天曠
蒼梧夕風悲玉殿秋茂林饒淑氣仙馭必來遊

未遂東朝養空遺內則圖尊崇熙寶冊恩禮煥瑤禱鳳逝

救長寂龍騰劍不孤空山秋瑟瑟落日照平蕪
曉日仙輿度豐年瑞穀馨深仁沾草木哀淚滿郊坵椒糈
崇千祀松楸護百靈瑤池應不遠夜夜駕雲輶
聖孝隆周典園陵備漢官丹旌千嶂外玉輅五雲端形勝
山藏珮幽香谷薦蘭鈴歌悲薤露松澗瀉哀湍

大行莊皇帝挽詩 五首

碧海鯨波靖黃河虎帳開玄威伸異域渥澤浹塵寰惻怛
頒遺詔憂勤想聖顏祗憐窮谷叟夜夜哭空山
玉輦遊天上何時返故宮雨迷湘水竹雲暗鼎湖弓感激
生成內淒涼霜露中西山白日匿松栢起悲風

思善門重掩千官躡踊哀遙瞻皇極幄如警翠華來夜月
瑤階冷晨風素幔開西飛青雀杳目斷集靈臺

策士臨軒日臚傳聖語溫腐儒叨作養何以報深恩魚水
元臣契金湯帝業尊孤燈齋宿夜揮涕倍銷魂

萬齡同祝聖五月忽賓天尚食虛文膳南風輟舜絃治平
超往代恭儉耀遺編父老荒村外應談隆慶年

韓王招飲煖泉應教

二首

帝子開芳宴詞臣與勝遊薜蘿迷邃島鷗露狎輕舟豈是
乘槎客深慙授簡傳忘形欽大雅井轄不須抄
利物同靈囿延賢陋雪宮虛無誇閭苑咫尺即崆峒杯引

流雲外府行積翠中冷然消暑氣况對大王風

真定登大佛閣

何代招提境層樓倚碧空輪蹄斜日外湖海一帆中蕭索
心多感蒼茫目未窮荆卿千載後易水尚寒風

登崆峒山

涇原弭使節乘輿上崆峒不見昇仙處唯餘問道宮斜陽
金野濶幽徑玉霄通洞口招玄鶴冷然思御風

希夷峽

避亂身長隱棲神骨尙留玄霄開玉峽碧巘擁丹丘草樹
山靈護風雷木客愁誰云同舍利鎮華重天球

宿張超谷次日登華山

躡霧岷山谷穿雲叩帝闈
蔽虧看日月揖拱盡兒孫
玉女巖阿麗金天廟貌尊
大觀吾願足羽化未須論

由千尺撞至南峯絕頂

雲壑千尋上天窗一線通
仰攀猿挂樹俯視馬行空
夜度飛虹險神留鑿翠工
應嗤韓子怯吾欲駕長風

還家

遠客還家日登堂百感生
老親扶杖起幼女繞衣行
未訴書千紙先悲髮數莖
不須更秉燭相對有餘情

送從周畢生歸休寧

執手瀕濱別蕭蕭落木秋亂山橫遠驛野水送孤舟情爲
江淹重時因宋玉愁何年婚嫁畢好結向平遊

大龜山對月歌楚詞山鬼篇

獨立山之上霜天素月流鏡懸蓬島夜雲斂洞庭秋佳境
無如此深林不可留幽篁風颯颯哀怨媚靈修

贈別陸浚川陸與予同遊南雍茲以考功郎謫倅黃
州

白下交偏厚黃州意更親目成堪自慰舌在未須論此地
饒詞客憐君作逐臣賜環應有日疑望大江濱

金谿道中見梅東王敬甫丈

行半西江路溪橋始見梅亭亭應自愛寂寂爲誰開歲暮
悲羌笛鄉愁散酒杯一枝難寄遠斜月共徘徊

沮風泊蘄州李夢池館丈見訪舟中

持節辭青瑱連床憶玉堂不知時序易忽訝鬢毛蒼嶽色
交情在江流別恨長王孫憐遠道春草夢池塘

武陽驛遇鄧定宇館丈夜話

海內誰知己江干此遇君孤亭憐歲暮短燭坐宵分金馬
聊堪避銀魚亦可焚明朝歧路別記取北山文

訪王百穀半偈齋

二首

吳江春月淨積雪與波澄爲話無生義來叅有髮僧大千

容一室半偈了三乘遠寺清鐘落香消繡佛燈
混跡吳門者幽貞不可求卷書辭北闕灑淚向西州身隱
名逾著情真意自投談禪揮玉麈因見晉風流

郭龍渠中丞招飲徐園

古木千章合奇花一徑分池涵茂苑月石抱洞庭雲析理
思玄度興懷感右軍名園宜痛飲况復挹清芬

無錫舟中遇吳子道時與趙汝師召用命下

得書已云慰相見翻成悲語因避地改鬢緣憂國絲當君
前席日是我歸耕時去去各努力明德以爲期

雷慕塘侍御以詩招遊焦山倚韻奉答

爲訪鯨魚窟因陪驄馬來片帆江月近孤嶼海雲開
瞻此逃名地深慙作賦才鶴銘千古案磨洗待君裁

金山

布金開寶地浮玉擁高臺帆影尊前落濤聲海上來
江心真菡萏京口小蓬萊半偈留禪室選天首重回

得曾將軍子澄書

聞海書初至開函坐夜深雖投曾母杼終白不疑金
往事千行淚孤燈萬里心王恩猶未報莫遣二毛侵

賢首山房夜雨

春雨朝何急僧堂夜轉空驚雷爭衆壑敗葉響千峯
小榻

諸天上孤燈萬木中塵緣淨界無語頌玄工

種竹

欲種千竿竹先鋤半畝蔬
解同楊子宅富擬鄴侯居
雅志非棲鳳閒情且釣魚
自裁辰日簡莫惜枉吾廬

普濟寺次荆川先生韻

石磴逢僧引荒林喜夜從
嵐光迷古閣秋氣爽高峯
對月吟山鬼憂時想卧龍
更思投老計一洗俗緣空

深山夜行

四顧蒼茫裏深林覺夜分
月光浮遠漢山影接孤雲
宿鳥衝人起啼猿隔嶺聞
殷勤喚同伴相逐莫離羣

山中夜坐

秋爽木蕭蕭山空夜寂寥嶺輝蟾影潔天遠鴈聲遙問傷
叅三昧談詩憶六朝病懷涼得藥面欲坐通宵

聞砧

微雨正新晴初聞砧杵鳴淒風傳別院逸響映高城月落
聲愈急衣涼夜轉清年年勞素手遠寄玉關情

宿龍華寺月色極明夜半鼓琴漫作

萬壑秋聲靜千崖月色清歸僧衣履潤棲鳥羽毛明對此
塵心盡因之夜氣生援琴時一弄遺響動蓬瀛

龍華泉

泉水來何遠縈迴勢轉溶寒霄清逼月深窟險藏龍僧舍
添新汲雲崖響暮鐘縱觀溟渤迴萬壑欲朝宗

重過龍旋寺

重過龍旋寺石橋尙宛然泉聲疑過嶺峯勢欲磨天古殿
多秋色疎林逗晚烟追思遊此地別已經年

謝何啟圖宗伯惠菊

竹葉雖無分籬英尙有情渴謂甘谷水夢繞錦官城豔態
人心別幽香病眼明願言持晚節共保歲寒盟

南陽道中

十月南陽道霜風客鬢凋目隨征鴈去魂向故山銷亂竹

斜通徑層崖險度橋旅懷堪自遣村外酒旗搖

宿白馬寺

孤村生暝色落木帶愁烟日淡平蕪草天清野渡船偶來
白馬寺翻憶赤烏年髀肉悲馳逐僧窗一悵然

早行江渚待渡

西巖孤月墮南浦亂燈明江靜漁歌遠天寒鴈字清煙波
終古意蓬鬢故園情何處覓舟子蘆花撥棹聲

新野道中感懷

敝裘風力急曠野氣蕭森落日問程遠前溪流水深青衫
羈旅淚白髮倚門心愁極看長劍聊賡梁父吟

贈唐押所館丈冊封鄭藩

聖主隆周典詞臣出漢庭
琅函金錯落寶節玉光瑩
攬勝探王屋高吟壯使星
經帷資啟沃春水早揚舲

送公東塘館丈謫澤州

歲暮河東去臨歧各愴神
莫傷千里謫且保百年身
別駕官非冗詞垣跡尙新
賜環方計日遲爾鳳池濱

壽盛母八十

桂子三秋茂萱親八秩強
詞人歌上壽佳節近重陽
白髮持孤操黃華殿衆芳
東籬歸未得爲爾媿斑裳

送莊梅谷太史奉使關西便歸壽尊公

蹇輟金門直，恭持玉節遊。
旌旗歌出塞，茅土詠分周。
雲笈閩山曉，星輅隴樹秋。
大椿千載茂，應憶鳳池頭。

夏日訪桂菴上人明因寺

度世尙應世，出家猶在家。
案頭窮萬卷，門外憶三車。
淨水慈雲覆，清香慧日斜。
無勞除綺障，久矣悟空華。

送裴紹野職方守山海關

燕寢凝香地，龍墀射策人。
雄關嚴虎豹，高閣待麒麟。
列戟青油壯，稱觴綵服新。
咍屯絃管沸，塞草自長春。

送劉書川尙寶謫守興國

執手河梁別，君爲去國人。
一麾仍出守，直道豈謀身。
漢水

逢漁父甘盤識舊臣
承明應再召翹首望車塵

涵春丈令崇信以異績膺召忌者中之謫晉藩幕賦

贈

巖程趨晉幕尊酒別燕山
金石銷讒口風霜變壯顏
花封絃誦遠薇省簿書閒
不用傷淪落君恩擬賜環

送陳別駕之信陽

帝里原通籍叅軍舊有聲
五雲承簡命千里佐專城
自古催科苦勞君撫字清
寄言申父老斗酒樂春耕

送鄉人南還

送爾還鄉國因之別恨生
鶯花榮古道雲樹拂離旌
日落

淮南遠天高
薊北情黃山
田二頃吾亦欲歸耕

戊子生日劉明吾計部以使來祝悽然答謝

追憶懸弧日
空堂暮轉辛
松楸雲外夢
風雨客中身
髮與年光短
人隨宦跡陳
感君慰寂寞
書寄爲沾巾

蟋蟀

蟋蟀緣何事
清宵細細吟
乍聞疑屋角
傾聽又墻陰
不盡孤臣語
能盈怨婦襟
感時兼抱病
爲爾總關心

中秋陰雨 二首

此夕稱佳賞
孤尊惱客情
素娥天亦妬
華髮爾何爭
微雨登樓賦
淒風搗練聲
盈虛知有數
獨守太玄經

殷勤把酒問辛苦爲誰圓離合同今古陰晴閱歲年長門
妝鏡冷遠塞戍衣單莫怨清光掩輕雲亦偶然

苦雨

秋雨欺寒士經旬不肯晴殘燈千里夢破壁四簷聲書爲
窮愁著身因懶病輕無人問幽寂長自掩茅衡

五言排律

頒曆

天子朝冬朔星官候吉躔曆頒金闕曙制聽玉階傳淑景
開三正歡聲徹八埏龍官頻燮理鳳紀遞推遷漢署葭灰
動堯階萸萸鮮四時誠玉序列宿信珠聯元會皇圖鞏中

和聖德全渥恩先侍從大賚遍民廬亨逐陽和轉春隨泰
運旋威時何以報犬馬竭餘年

郊壇扈駕賜觀齋宮温室賜金柳瓢銀八寶紀恩

代

中堂作

漢時卿雲麗周郊旭景暉仙韶聆鳳吹太乙衛龍旗和煦
窺璇室齋明啟御扉繡楹香霧繞蒼壁瑞光圍柳盃兼金
質天花八寶飛吉祥珍禁籙消渴飲薔薇異數斯爲盛奇
逢古亦稀孤忠期皦日永以奉恩輝

陪祀帝王廟有作

景德崇嚴祀脩禋啟闕宮靈旂風上下葆羽殿西東百代

明良合千官肅穆同裸將承帝命奔走竭愚衷俎豆陳芳
潔精誠冀感通宮懸諧雅奏佾舞象成功一德歆無間千
秋祀不窮馨香隆泰運黍稷永年豐

益王燕勞應教

建國隆周典分茅陋漢封盱江恩澤遠姑嶺瑞雲重地勝

宮門迴陽迴苑草茸

是日冬至

大庭陳醴席嘉宴起歌鐘劍佩

分清切箴圖仰肅雍簫韶儀鳳鳥曼衍出魚龍繾綣蘭膏
繼殷勤桂醕供銀箏調鴈柱翠釜獻駝峯促坐情偏浹傳
臚禮愈恭小心遵聖度大雅冠皇宗忠孝天資篤清虛秀
氣鍾無煩延海岱自可並喬松疎拙慙專對透遲慰異逢

永言祕鴻寶尙冀紀玄蹤

壽元輔高中玄老師

玄貺隆昌運嵩靈產異才箕裘承世業科第掇掄魁神解
驚中土宏猷耀上台許身原稷契作賦陋鄒枚史局三長
擅經帷一德推成均敷至教邦禮贊淵裁師傅崇難擬君
臣契弗猜今皇思啟沃蒼學日追陪趙滕嘉謨密開誠相
業恢周鈞歸旦爽商弼識伊虺獲譴諸臣別盈庭衆議摧
海艘閒傍島塞馬靜無埃由豫酬孤願勞謙服九垓銀章
頒鳳篆御廐賜龍媒曠遇真千載温綸日幾回陽和隨處
布壽域自天開黃閣清風遠瑤階紫氣來大河爲玉液少

室卽丹臺不用庚申守何煩甲子催多男看竇桂延世茂
王槐桑梓垂餘蔭駑駘下材長途勞策勵化雨荷栽培
冠蓋趨華宴殷勤獻壽杯萬年調玉燭四海詠康哉

進春侍班有述

北陸凝陰盡東郊淑氣淳晴煙廻苑柳瑞日映階茵鸞輅
珠旂曉龍樓綵勝新土牛呈稔歲金馬進宜春玉燭傳佳
節青陽應吉辰冠裳慙鷺序拜舞頌鴻鈞

送潘少泉使君遷留都少尹

八月揚船去孤城落木陰朝廷京兆重根本秣陵深世泰
無南北公才欲古今惠柔申伯政佳麗六朝吟鳳去仙臺

迴龍蟠王氣森昔賢多感慨勝地任登臨愧乏明珠贈徒
懷國士心芳蘭江路永凝望欲沾襟

送李仁卿郡守擢南司徒大夫

有美西川彥岷峨秀氣鍾窮經先奮跡射策蚤登庸吏事
專城最文章藝苑宗廉平遵孔訓惠直頌申封治績光千
石徵書錫九重鎬京雄建業國計仰司農鍾阜朝霞綯秦
淮夜月溶地原誇踞虎人自是猶龍五載交情重三春別
思濃鶯花憐遠道尊酒歎孤蹤謝樹培棠蔭賢山峙峴峯
願言宏翊贊曠代美奇逢

陸子易周仲謨赴村家筵地近龍旋龍華諸名勝僧

苦邀不肯往聞携有侍兒作此嘲之

古寺千峯裏清鐘雪後天蹇驢堪入畫蘿徑若登仙老衲
聞佳客呼童汲遠泉如何安石屐翻作子猷船衝虎歸非
易驚鷗去可憐王陽原畏險謝朓未稱賢恐負青樓約應
無白社緣烟霞重回首爲誦北山篇

亡女生日

生日今思汝他鄉苦病予嬌姿憐索果遠別憶牽裾道韞
能成詠緹縈解上書歸方三載內逝已七年餘幽谷春蘭
折深閨夜月虛母墳東咫尺猶得慰離居

送葉棠山之官棗陽

申國詩書肖梁園詞賦才領符之楚邑捧檄下燕臺競憚
神君至歡呼慈父來遠尋羊峴碣近舉習池杯白日光巖
穴清風遍草萊璽書徵瑣闥民隱若爲裁

贈趙生會舉

燕市初逢爾悲歌意自親黃金求駿地青海射鵬人馬服
書應讀營平蹟未陳誰能安燕雀遐想繪麒麟說劍真無
敵投壺若有神好乘俠少氣萬里靖胡塵

師竹堂集卷之五

三怡堂叢書

汝南王祖嫡胤昌著

七言律詩

元日早朝

光射采恩海日懸香飄合殿奏鈞天華夷共祝無疆壽雲
物應書大有年太液波融凝淑氣長楊風細散輕煙泰平
元會真奇邁願上陳思保善篇

慶成宴恭紀

禮隆大報慶時雍日暖彤墀佩玉瑤合殿香風迴燕雀鈞
天廣樂禱魚龍賜酺漢宴無勞紀湛露周歌喜再逢

宣勸上尊成既醉孤忠感激效華封

萬壽節習儀朝天宮

預祝嵩華寶月圓
玄元宮殿肅千官
天心道協明河直
仙掌光凝瑞露繁
金鏡錄成思欲獻
瓊樓高處不勝寒
關山一點同今夕
何日清輝得共看

承天門候駕

壁薦瑤壇禮報成
前驅午夜啟嚴城
天街錦楹千官立
複道繁星萬炬明
冉冉紫霄迴寶輅
森森丹陛駐華旌
雕蟲應謝揚雄技
欲賦甘泉感愧并

九日鞏華城候

千官九日候行宮，虎旅龍旂望眼中。
疊嶂煙嵐浮酒綠，疎林霜葉上衣紅。
鄉心暗度關山月，寒思遙傳大漠風。
莫問茱萸誰健否，洪鈞壽域八荒同。

扈從曉發夜宿山中

天高木落日初晴，瑞麗鈞陳扈蹕行。
父老歡聲爭望幸，山川佳氣已先迎。
秋成雞犬千家靜，夜肅豺貅萬竈明。
聖壽無疆民永賴，玄宮空負子來情。

駕幸西苑觀穫恭紀

上林爽霽值秋天，西內欣看御仗連。
百畝黃雲收漢苑，千箱玉粒積周廛。
載歌耒耜幽風詠，遠陋膏腴灑水田。
王業

艱難垂裕永康衢世世祝堯年

冬至駕出南郊

南端霽色轉朱旂萬乘迎陽出紫微
三殿慶雲隨鳳輦千門晴雪照龍衣
明禋禮樂周雍秩繚繞山川漢時圍
獨有揚雄叨扈蹕甘泉歸奏奉恩輝

雪霽早朝

曉角高城凍未消天街殘月趁趨朝
清霜燦爛明宮瓦餘霰霏微綴苑條
馥馥瑞煙凝寶座泠泠廣樂奏仙韶
春和議賑明時事願奉恩綸下九霄

待漏閣試

銀燭光凝瑞靄濃
遲遲宮漏滴銅龍
星懸北極層霄近
月落西山宿霧重
立仗豫調天廐馬
鳴珂遙聽景陽鐘
求衣華袞思無補
慙愧清朝鷓鴣從

蒙賜御筆大書紀恩

閣試

帝灑奎章賜輔臣
瑤函初捧墨華新
共看鳳舞翔天際
忽訝神龍出海濱
飛白當年徒筆札
汗青從此賁絲綸
黃扉恭對恩光渥
感激無言誓致身

文華殿進講大寶箴上起立以聽

代中堂作

琅函肅啟翠華臨
講說貞觀意獨深
勿極聰明妨蔽塞
常思儉約鑒荒淫
解衣敢盡詞臣技
前席應孚聖主心
立聽

無勞飲大寶日星昭著有皇箴

上林紅杏雙燕應制

上林紅杏本仙姿乳燕雙雙暖更宜
輕逐曉風迷蛺蝶微拖香露濕胭脂
花間並語疑鶯囀苑外低飛學鳳儀
靈囿春和欣對育不妨長繞萬年枝

黃鸚鵡應制

奇姿被服麗坤文仙種元非翠羽羣
中色雅宜金屋貯黃裳時襲御袍薰
性靈慣學宮娥語恩重應忘隴樹雲
清夜長秋宣妙偈普陀岩畔禮慇懃

恭題宣廟御筆花廳馬應制

皇恩共濟

玉墨花驄繫禁林回頭曲臆感恩深雄姿颯爽黃塵靖睿
思經營白晝陰宛地已能空萬馬燕臺枉自重千金非緣
御筆圖神駿要識兢兢朽索心

恭題商喜紫騮馬應制

水淺沙平碧草芊神駒飲齧自迢然貢來尙帶函關氣牽
去全籠御篆煙天廐真龍今再見人間凡馬敢爭先丹青
不數開元妙蹀躞應同樂府傳

題四季耍孩兒應制

百子宮中百戲宜尋芳避暑競新奇錦綉的礫長生殿玉
臂交加太液池麗日喜看榮棣萼薰風時聽奏墳箎後星

旋拱前星耀卜世綿綿未有期

碧梧金井夜涼生又見同雲滿禁城竹馬斜穿仙桂馥雪
獅巧對瑞梅橫翦桐不敢爲兒戲讓棗交相篤友情龍種
六宮傳畫史螽斯千載詠芳聲

瀛洲亭古栢

靜几幽軒接建章階前老栢鬱蒼蒼錦官人去風霜苦玉
署根移歲月長似見虬龍盤古砌忽驚雷雨暗虛堂誰云
材大難爲用留取清朝作棟梁

二月間漕舟已過洪入閘

春暖新渠靜不波隋隄楊柳映青莎錦帆二月離洪險白

粲千艘入閩多足餉漫思唐相晏轉漕今有漢庭何至尊
吓食從茲慰賑貸無勞議歲和

送蕭乾養年兄奉使琉球

青瑣仙郎下絳霄麟袍龍節寵光遙月明孤嶼樓船穩風
靜炎洲颶浪消天子威靈馳日域蠻邦景物攬星軺歸來
應陋玄虛賦海晏雄篇頌聖朝

夏日集丁園同李惟寅劉玄子劉仲脩分韻得章字

帝城臺樹鬱相望選勝偏宜白晝長冷浸清漣涵古木翠
流幽石媚新篁千秋俠氣空燕市一曲薰風散建章休沐
恩深貪雅集不妨燒燭漫傳觴

送吳惺初侍御出按山東

攬轡行行出建章
陽回驛路日初長
花驄先帶霜臺色
峨眉猶含玉署香
溟海波澄春寂寂
岱峯塵靜曉蒼蒼
年來桑梓關心切
願寫瘡痍達聖皇

楊方湖侍御按我兩河既督昭陵工竣陞海道憲副

駐節登州賦此贈別

西臺幾載擅高風
控制滄溟簡帝衷
豫土省方驚繡斧
昭陵畫地贊玄工
油幢行部山城靜
鈴閣憑闌海市雄
重譯只今歸聖主
波澄千里繫朦朧

中秋對月懷趙定于吳復菴三館丈

木落霜清斂夕煙玉盤冉冉上遙天敲砧西苑憐今夜吹
笛南樓憶去年黑髮妄希靈藥駐白頭誰見逝波還美人
千里音塵絕那得登高不惘然

送陳玉壘太史歸省尊公相公

元老逍遙七袞尊詞臣省覲出金門十洲紫氣迎仙仗九
月黃花釀壽樽浩渺嘉陵延世澤嶙峋棲樂賁殊恩玄蹤
相業無勞頌自有煌煌帝語溫

登鞏華城樓有懷世昌弟

野曠蒼茫落日陰危樓縹渺獨登臨風高遠塞飛寒葉霜
冷深閨急暮砧萬里那堪舒病眼一官何事負初心南雲

至斷孤鴻杳把酒憑闌思不禁

雪夜李本寧太史招同張陽和劉弢原劉復齋李夢

池劉衡野諸館丈小集分賦

風雪連宵撼敝廬玉堂忽枉故人書梁園授簡才應竭郢
地聞歌歎有餘雅興未回王子棹虛懷今御李公車瓊枝
銀燭相輝映獨倚蒹葭轉愧予

乙亥除夕

通籍承明五歲除年華來去渺愁予冰消殘角迎春早香
燼空齋坐夜虛肉食漫勞唐舉相谷神常讀老聃書清朝
多病慙無補何日南山臥漱廬

送義軒劉君備兵金城便歸省覲

仙郎青瑣重朝端
持憲新加獬豸冠
羆虎千羣臨渭水
鶯花三月出長安
垂衣此日逢堯舜
破膽從來說范韓
黑髮司徒娛綵服
朗陵爭繪畫圖看

暮秋同李襲美諸君晏王氏山亭

菊過重陽尙未開
時逢秋暮好登臺
遠山不盡寒雲外
落木無邊御水隈
世態可消長客感
賦成況有大夫才
與君十日東籬下
徐採芳英入酒杯

少宰王公考滿之日署中鹿生子

天官上績簡宸衷
瑞感仙麋產署中
紫纈不須神二女
畫

車先已兆三公銅牌紀壽年應遠金鉉承恩養更隆科第
綿延原世業湖南歌宴聽秋風

送陳侍御督鹺兩淮

憲節逶迤度潞河卽看斤鹵盡恩波漉沙雪積私昏羨煮
海風清國計多鹽鐵百年遵筦榷淮揚萬竈起謳歌孤燈
辛苦緣封事不寐應知想玉珂

送司徒大夫陳瑞華監兌湖

璽書恭捧出神州錦纜牙檣擁上游雨過遠蒸雲夢澤月
明清嘯武昌樓握籌策久推劉晏轉餉功應首鄧侯聞道
東南民力竭素餐徒抱杞人憂

潼關阻雨盛敏叔館丈邀登城樓

雉堞孤懸灌木叢憑闌縱睇起悲風三峯太華重嵐外九
出長河急雨中阡陌總非秦故土丹青遙憶漢離宮只今
萬國車書混設險何須百二雄

渡河

津吏初迎曉色開樓船簫鼓渡悠哉函關紫氣三峯近星
宿黃河萬里來古岸漫尋盟石處中流遐想濟川才西馳
玉節原親睦莫作乘槎漢使猜

王時化由右諫出守順德新城功竣邀予登眺時陳
則濟以廷正恤刑滇南歸同登二君俱同鄉同年

自个堂集卷五
天涯兄弟聚那襄秋暮登高共舉觴故壘百年銷劍戟新
城三輔壯金湯碧雲紅葉砧聲急楚水吳山驛路長聖代
只今封事少知君未肯薄淮陽

段太尉祠

太尉荒祠草樹幽停車斜日薦蘋羞槩梟叛卒頭欣戴笏
委空堂血尙流死事真堪廵遠並成功未許晟城優低個
詞客難爲賦千古雄文煥柳州

驪山懷古

華清遺跡亂峯間弭節聊乘半日閒繡嶺春回空寂寞温
泉人往自潺湲千秋不復陳金鑑七夕徒憐誓玉環阿濫

曲終村笛晚牛羊滿目下驪山

溫泉

幽薊煙塵別九重貴妃湯殿罷歌鐘中宵扈從無全仗大
駕蒼皇發六龍妝匣尙留金翡翠暖池猶浸玉芙蓉荆榛
一閉朝元路惟有悲風吹晚松

乾陵

乾陵雙闕峙高岡象馬夷酋儼列行一代大倫爭子姪三
朝宏業忽周唐南山枉費秦皇錮西盜終窺呂后藏無字
穹碑誰記述九原重起駱賓王

邠州大佛洞

梁山絕壁俯涇濱寶閣雲間現法輪
共詫五丁開石洞仰瞻十丈作金身
莓苔半蝕初唐字香火誰祠避狄人
往蹟無勞多感慨茫茫浩劫總飛塵

浩文川中丞招飲貢院

高名十載切躋攀此日登龍一解顏
座上文光廻北斗尊前佳氣對南山
升車往績澄三楚開府先聲警八蠻
辛苦爲言秦父老中興良弼待公還

九日病起登南城樓下有傀儡之戲

獨上高樓俯大荒海天秋色正蒼蒼
孤城落木砧聲急遠嶠寒雲鴈影長
百歲那堪餘短髮一尊今又負重陽
雍門

苦調同千古且插黃花閱戲場

臥龍岡謁諸葛武侯祠

瘦馬殘陽過石岡人傳丞相有祠堂英君自信忠貞篤庸
史焉知將畧長二表已揮今古淚三分終限魏吳疆可憐
後主甘啣璧天上應隨北地王

太和絕頂

太和宮闕在雲間百丈冰梯盡日攀樹色微茫分漢水嵐
光縹緲接巴山何須採藥尋三島直欲乘風扣九關徐福
不來滄海變長天孤鳥自飛還

鄭明府邀遊少林寺

高僧名嶽苦難逢
覽勝何緣撰履從
寶界三華饒薜荔
晴空二室幻芙蓉
仰觀峻極歌周雅
遐想嵩呼侈漢封
浩劫人天無色相
西來應悔示玄蹤

陽羅驛寄張子蓋館丈

使節驅馳宿楚鄉
郵亭喜近蓼花傍
江空高枕濤聲急
月冷中庭樹色蒼
老大乾坤孤嶼在
銷沉今古逝波長
秦淮况是通潮處
極目仙舟路渺茫

富口甘將軍廟

富口停舟捫薜蘿
將軍祠廟此經過
謀擒黃祖威名在
勇讐曹公戰績多
快意吳歛歌歎乃
乞靈楚覲舞婆娑
安帆檣

來往神鴉集捲雪年年作怒波

仲冬望夕黃龍洲對月

夜靜扁舟下豫章澄江明月接微茫鏡中光射黃金塔天上寒生白玉堂漁火幾家人寂寂關山一點樹蒼蒼思鄉懷古情無盡釀酒悲歌坐未央

賈孝徵侍御崔猷可計部邀飲海天閣

海天高閣占鷗沙返照平蕪望眼賒檻外濤聲驚貝葉尊前帆影浸蘆花當年誰送潯陽客此日虛隨漢使槎醉別獨歸江瑟瑟月明彷彿撥琵琶

渡江駐滕王閣曹荔溪中丞自德化馳來過訪適夜

分矣識感

片帆幸渡南浦津郵亭四壁無居隣王事辭親敢嗟怨客
子畏人多苦辛檠戟遙臨已夜半醇醪自醉知情真孤燈
脉脉徒感激欲歌行路愁傷神

南昌館滕王閣帥同甫李惟賢二大叅見過倚檻臨

江

傑閣雄文世並傳洪都名勝枕江邊憑虛欲吸千峯雪眺
遠真窮萬里船畫棟朱簾人已去落霞孤鶩景依然懷歸
王粲偏多感况復寒潮送暮年

同朱雲岳僉憲登麻姑山

初辭玉署瀛洲地來訪丹霞小洞天仙都觀門榜雙瀑懸崖飛

素練五峯當戶鎖蒼煙方平遺像摧風雨魯國殘碑閱歲

年回首仙壇成往跡何須清淺問桑田

東鄉道中

翠微濃淡上衣裳道出山陰應接忙處處松杉溪傍屋家

家樓閣竹為牆平沙小市邀沽客古木叢祠坐女郎不聽

猿聲腸亦斷天涯東望是吾鄉

桐廬大雪遇傅慎所侍御戍回舟中夜話

風雪舟中共一尊相逢疑欲賦招魂十年死別孤臣淚萬

里生還聖主恩炎海莫愁容髻改故園猶幸菊松存九關

虎豹今潛遯壯氣終當叩帝闈

同陸敬承太史謁澱陽先生靈洞山房

會心終日狎禽魚林壑幽深自結廬靈洞月明常煮石危
樓雲護好藏書有時開逕延三益獨坐忘言契六虛聖王
只今資碩輔可容學士碧山居

同大司馬岨嶽張公謁岳墳

殘雪方舟渡六橋棲霞祠宇薦山椒金牌鐵騎無勞問白
馬朱騎尙可招南向樹同丞相栢西湖水接伍胥潮祁連
鬱鬱環孤塚寒飈諸陵久寂寥

元日湖上憶同館諸君

元日湖山物候新竹與蘭漿混遊人六橋雪霽清波漲三
竺煙消翠黛勻梅蕊未逢西驛使椒花遙媚北堂春石渠
仙侶應相憶委珮鳴珂散紫宸

元夕次馬思愚韻

魚鑰春開不夜城喜調玉燭泰堦平珠燈影射鰲山曉錦
瑟風傳鴈柱清滿地遺鈿香霧杳一天明月彩雲輕芳辰
依舊年華改獨折寒梅對短檠

送臨淮侯李惟寅留守南都

漢庭飛將出明光郡國前驅負弩忙佳麗六朝誇建業元
勛千載重岐陽喜看居守增天塹况復登臨近帝鄉惟道

鳳臺多絕倡青蓮宗派到君長

送大中丞宋可泉年丈開府恒山

枉後勲名舊切雲新提鵲印擁三軍飛霜曾覩吳門練傳
檄驚看蜀道文恒嶽天清占象緯滹沱月白靖妖氛泰平
干羽皇風穆馳騎無勞露布聞

送周帶川年丈備兵朔州

幾年遼左樹奇功移節雲中簡命隆絃誦月明刁斗靜畊
耘風暖戍樓空龍沙萬里勛逾茂馬邑千年地轉雄莫謂
承平餘五利安攘原不恃和戎

八日小亭黃白梅盛開感而有作

幽亭人日春可憐蠟梅玉梅開相連冰肌雅宜金屋貯芳
英故傍白衣妍小窻踈影月半墮誰家哀笛風初傳折來
少婦泣如雨征夫遠塞何時還

十四日雪止小齋張燈邀郡侯李乾齋宴集夜分月
出得清字

良宵燈火映山城玉燭光調喜泰平繡佛長齋持半偈老
梅殘雪占雙清律吹幽谷回春意歌聽輿人作頌聲太守
風流歡未已持盃還待月華明

元夕大雪張燈集伎奉何仙室丈人夜宴分得壇字
山城積雪釀嚴寒窮巷張燈亦自歡翠帶香飄金菡萏紅

良宵成小集，郡人已作畫圖看。

春雪簡何啟圖

樓臺冷落元宵後，風雪連綿二月初。
城上啼烏爭墮地，案頭飢鼠亂翻書。
夜行忍返幽人棹，畫臥寧要縣令車。
抽秘騁妍方憶爾，見謝莊雪賦大裘廣廈亦愁予。

送宋遜菴公補守福州

閩海雙旌驛路長，九仙山色鬱蒼蒼。
嶺陬已奏循良績，申國猶分俎豆光。
華轂郊行春露冕，黃堂燕寢晝凝香。
驅蝗渡虎君家事，徵拜應看佐廟廊。

見賢樓側杏花盛開予倡首句因與戴肩吾程士元
諸子共集成之

畫樓紅杏兩爭妍春色多情最可憐繞砌芳菲堪製錦倚
闌縹緲擬登仙雲飛南浦簾初捲雨過西山樹欲然莫爲
傷心輕濺淚前村且辦杖頭錢

送林使君守汝南

薊門晴旭送仙旌驛路爭看負弩迎汲黯淮陽傳往績文
翁巴蜀已先聲鄭莊館闢星常聚懸瓠城高月倍明典郡
莫與留滯感漢家良吏每台衡

五日感懷

午日蕭然掩竹扉閒庭時見燕雙飛龍舟誰閔陂塘竭角
黍難充市野饑往日回風悲屈子澧蘭沉芷憶湘妃行吟
憔悴非吾志獨上危岡一振衣

壽世昌弟

弱冠遊梁志未伸壯年終不赴成均恥隨標榜稱名上甘
守清貧作道民奏樂登臺簫引鳳著書閉戶樹成鱗白頭
兄弟常相伴蒲酒榴花歲歲新

中秋夜深獨坐對月

冷浸瑤階濕欲流參差桂影玉杯浮纖毫可數疑晴晝灑
素平分作好秋此夜獨看憐竹院去年同賞憶江樓青天

碧海無今古爭使愁人不白頭

送秦杜村兵憲川中

魏尚雲中久著名十年拊髀軫皇情
身冠象簡金臺下憲節油幢玉壘迎
落木蕭蕭離思遠寒波渺渺旅懷清
延賢幕府收奇績遊客爭歌蜀道平

元旦感懷時承重太母

搖落星河欲五更山城元旦亦孤清
風傳殘角悲無定春解寒冰暗有聲
辛苦報劉成往事艱難捧檄感餘生
君親恩重頭將白不爲年華涕淚橫

過大王沖

此地多虎故名

罷乘晚過大王冲落木蕭蕭起恠風沙渚遺踪心頗悸溪
山殘血草通紅渡河遙想循良政攘臂空羞壯士功歲歉
徵求皆赤地可憐猶肆爪牙雄

送張涵溟司理汝南

賢書早歲冠山東得意看花春正融遷史儒林推魯國漢
廷法吏重張公天中懸望隨車雨海內行揚攢轡風虛已
求言逢聖主好於封事竭孤忠

春日侍何丈仙室遊豐泰菴次韻

汗青未竟歸來晚攬鏡翻驚鬢已華何用浮名誇彩筆久
知塵世等空花祇園金布期無盡苦海濤生詎有涯但願

年年隨杖履持經絕勝草黃麻

遊黑龍池值雨

真宰運斤成異境玄工鑿石作靈湫雲生古殿陰堂結嵐
合羣峯翠欲流雷雨只愁神物起參苓聊爲病軀留不因
雅性耽幽賞未信茲行是勝遊

送虞部郎牛唐麓致政南還

春明門外潞波新蹇繫蘭橈意自親欲語汀花薰席煖多
情檣燕送杯頻齊南誰復知三宿林下於今見一人予亦
挂冠從此去翠虛高閣結芳鄰

失鶴

遼海飛來歲月深
山房賴爾伴孤琴
亦知軒籠終非好
無怪雞羣不可尋
飲啄可憐空碧沼
遲迴猶想步幽林
應同赤壁三更夢
一任青霄萬里心

無題

折齒誰云廢嘯歌
墜鞭吾亦感鳴珂
章臺楊柳情偏切
溢浦琵琶泣最多
爲雨爲雲愁北里
傾城傾國總南柯
獨憐辛苦田家婦
老去無由見綺羅

贈醫士無錫陳生

道隱軒岐漸失傳
知君秘授得真詮
丹爐自製迴生劑
竹杖常懸赴急錢
南國家留藏器譜
上池源接惠山泉
憐予

久苦膏肓症何惜刀圭爲少延

何啟圖劉玄子諸君遊鐵佛寺予病不能從

南巖幽桂有芳叢並馬衝泥霧靄濛飛瀑寒生諸壑暝重
嵐晝結萬峯同慧雲淨護青蓮地法雨閒聽紫紺宮可信
維摩常示病不能花逐下山風

送洪穆菴謫倅大同

蕭蕭落木薊門秋執手河梁思轉悠訛語莫傷慈母起悲
歌且共酒人遊雲中將士知遷客申國兒童頌故侯負弩
君無卑遠塞賜環予日望神州

夏日同李仁卿郡伯田子秋郡博遊何啟圖宗伯園

池次韻

避暑幽林汎碧潭坐傾河朔半沉酣漫論廣廈構千萬且
喜孤航受兩三空翠流雲通海上垂虹斜日映湖南茫茫
彼岸求慈筏非馬雕龍未易談

壽宮保春陵王大馬司

太和靈秀埒高高特毓元臣簡帝衷千載安攘資偉畧三
朝勤苦竭孤忠金莖露賜恩光渥油幕香凝壽域同莫訝
新秋神愈王吾家舊有黑頭公

山居漫興

搖落秋光未足黯黃花紅葉間青杉薄田穀熟聊供稅荒

圖蔬肥可慰饑劍敵一人身亦廢丹期九轉骨應凡長天
目送孤鴻去千仞危岡拂弊衫

延世兒以遼左功晉秩田子秋有贈次韻志感

橐鞬且漫詫登壇蕙苴應憐險路難伏闕緹縈逢主聖入
關范叔憶身寒生兒但可稱豚犬詒穀誰能比桂蘭往事
酸辛頭早白頻將勛業鏡中看

子藝改學宮池爲大夫湖語具叙中文甚工而事甚
奇且以詩示因次其韻

方塘久傍伴池開一鏡空涵申伯臺小艇忽驚人舉棹中
流卽有客傳杯窮源直欲乘槎去問字何當載酒來爲賞

嘉名誰作賦登高原屬大夫才

泛舟

一夜瀟河新水生孤尊短笛放船行雲流幽壑帆檣濕棹
入危灘草樹繁極浦遙天心共遠浴鳧飛鷺眼雙明扣舷
日暮聞漁唱回首滄浪愧濯纓

湖上夜歸呈李郡侯

別業城東敞竹扉迴塘清越翠成圍荷翻宿露金魚戲柳
拂晴煙畫鷁飛冠蓋百年同蟻笋乾坤五日此漁磯皆山
不減環滁勝豐樂欣看太守歸

暮秋啟圖學士招凌波館賞菊卽席有作

名園佳菊媚秋光
詞客東籬共舉觴
霜蕊葳蕤仙子笑
露華縹緲羽人裝
已憐晚節宜孤介
更愛幽姿殿衆芳
鼎鉉久推調燮手
好和甘谷壽吾皇

壽靈壁侯太夫人

錦帆白粲蔽江來
玉帶蟬冠擁節迴
西極久膺王母福
東征共羨大家才
侯鯖羅列供珍饌
御醴殷勤上壽杯
莫艷元勛盟誓遠
慈幃燕喜卽蓬萊

史館辦官郭生其母八十請言作此貽之

聞爾慈親八十強
寒燈深夜補衣裳
安居不用誇金屋
珍味時能寄玉堂
已見孤貞綿鶴算
還看褒表錫龍光
憐予

師竹堂集卷五
有母年幾若縮地無由捧壽觴

庚申先塋除夕

草屋蕭然少四隣夜深童僕轉相親
寒燈耿耿渾無寐孤塚淒淒若有神
隙馬令人悲甲子尸蟲由爾訴庚申
川原一望悲何極愁見陰風哭野燐

清明遊西山出郭卽事

阜城門外草茸茸釀得春光似酒釀
寺列西山看聚螿峯朝北闕舞飛龍
香輪注目迷芳徑麥飯銷魂奠墓松
回首故園何處是暮雲煙樹幾重重

送李大將軍總兵宣鎮

秋高上谷起歡聲紅葉青山映旆飛將到今誇隴右功
臣自昔頌西平令嚴刁斗胡塵靜樂奏鏡歌塞月明聖代
元勳輝竹帛勒銘不用屬書生

中秋邀郡守坡頤張公遊賢隱山寺卽席作

四時之月惟秋月月到中秋分外明八萬二千工欲滿一
年十五喜先晴光搖遠漢連江白露冷空山徹骨清太守
醉歸人影亂娟娟深夜照蓬瀛

秋夕同王觀察四槐泛舟董中丞西湖次觀察韻是

日談鄧定宇事昨使豫章與定宇有共隱天池之
約故未及之

開府城西有故廬賢峯環抱水雲居蓬窗共坐幽人艇華
轂驚迎憲使車羽客漫疑身是鶴濠梁寧信我非魚江干
舊侶幽盟在木落匡山好著書

九日同胡汝成蔡錫卿高汝器周子春何啟圖王拱
之集周仲謨宅

多病愁登九日臺追歡聊共菊花杯小鬟白是吹簫侶豪
客咸稱作賦才落帽勝遊堪再續沾衣往事不須哀茱萸
但願年年健竹葉何妨夜夜陪

己丑沙河除夕感懷

時以亡室之喪請告南還

除夕天涯強自寬孤燈殘雪不勝寒多愁轉覺流光易久

客真成行路難上苑煙嵐先嫵媚中宵星斗尙闌干牛衣
共泣人何在獨坐傷心淚暗彈

元日臨洛道中

煖逐征輪淑氣新
褰帷處處可怡春
青來驛舍山迎客
綠發河橋柳媚人
三逕關心懷栗里
五雲回首戀楓宸
白頭東觀成何事
未老應慙早乞身

未老乞身達士也故愧之

亡室久不克塋辱啟圖丈極力物色得佳壤焉感激

之至情見乎辭

旅襯經年厝淺沙
迷途勞示指南車
浮生百歲誰非客
廣厦千間此是家
狐首聊堪酬素志
牛眠詎敢冀空華
桑田

陵谷須臾事感結重泉未有涯

詠簷前鐵馬

時年十四

大宛從征獲貳師爭如爐冶範形奇突圍獨與西風戰立
仗羞隨上廐儀峽口暮猿悲亦減戍樓殘角韻因遲千金
誰買神駒骨一夜秋簷萬里思

秋夜

城柝敲殘坐夜深蕭疎商籟滿高林生寒暗覺孤燈結卜
甫先愁病骨侵久客漸銷彈鋏念長貧惟有灌園心尚平
雅志何年畢悵想煙蘿寄素琴

秋懷

短牆蟋蟀叫偏能夜靜虛堂斷復仍鄉淚落如金井葉病
懷清似玉壺冰貧逢陰雨猶難遣秋到中年愈不勝唯有
床頭雙劍在寒光高映讀書燈

劉仲脩觀察六十

廿載歸田髮未皤帝城風物自婆娑高名七子公稱最大
業千秋仲孰多喜值芳辰爭促席閒看花甲任飛梭然黎
天祿成何事頌酒呼盧且嘯歌

燕子磯關侯廟

浩浩長江日夜流將軍祠宇燕磯頭千尋恠石伸英氣萬
疊洪濤鼓壯猷顛沛可憐扶漢主蒸嘗何事對吳侯興亡

一笑皆陳迹極目斜陽數點鷗

王恁寄仙事韓吳封興立

昔者王公又誰謂早歸年燕歸翅千雲動百喻英英

歸竹堂集卷五

歸竹堂集卷五

歸竹堂集卷五

歸竹堂集卷五

歸竹堂集卷五

歸竹堂集卷五

歸竹堂集卷五

歸竹堂集卷五

師竹堂集卷之六

三怡堂叢書

汝南王祖嫡胤昌著

七言排律

禁中春雨應制

微陰曉結綠楊隄，淨挹天街碧草齊。
瑤圃嬌鶯藏濕葉，御簷歸燕帶芳泥。
霏霏宿霧霑袍潤，靉靆輕雲壓苑低。
太液恩波流處遠，西清曙色望中迷。
杲恩懸溜宮鴉靜，陛楯休番仗馬嘶。
此際皇情應感悅，四郊霖霖慰蒸黎。

賜藕鮮恭紀

代中堂作

太液青蓮拂翠蘋，深根十丈漱芳津。
鸞刀才薦冰姿潔，鳳

閣初頒玉腕新春蠶飄飄香有跡靈犀點點淨無塵金莖
漢室徒虛賜瓊屑仙家未足珍願廣聖聰求治理誓持素
節效絲綸沉痾盡滌君恩重忍念荷裳乞此身

除夕湖上夜歸

武陵簫鼓動春聲除夕松棚萬戶明已訝清輝流淨練還
疑野燒動高城波光瀲灩文魚躍樹影叅差鳥雀驚辭臘
寒梅同玉映媚人芳草帶煙生誰憐物候添鄉思且逐繁
華暢旅情來日畫船重載酒湖山隨處結新盟

壽仙室何丈六十

六旬花甲延仙籙五月葵心釀壽醞華轂乞身陪洛社黃

扉有子翊虞廷循良上績留淮楚騷雅中興揭日星健翮
又看雙鳳起長年那借九還靈晴蒸芝鼎分榴艷曉注蓮
扈映竹青醉躡虹梁俯瀨水天風深夜度流鈴

七言絕句

大閱詩十二章應制

四海雍熙樂治平九重宵旰詰戎兵翠華未校長楊獵紫
氣先騰細柳營

君王策馬御戎衣赫赫天聲式九圍神武偃兵占太史六
符端正帝星輝

曠曠日出曉雲開絳節霓旌北極來昨夜雨師親灑道天

街風靜絕塵埃

黃幄金爐襲異香
千官扈從列鵷行
官羅血色承新賜
萬朶紅雲捧玉皇

南徼無虞北塞安
一人有道萬民歡
兢兢更切除戎念
仗鉞親登大將壇

司馬傳宣諭六軍
十千八陣變風雲
旌旗影繞春山麗
鼓角聲嚴大漠聞

控弦十萬羽林郎
氣殪強胡競擅場
飛將當年誇射虎
材官今日見穿楊

侍臣詳按賞功圖
遍賚諸營日未晡
隱隱春當轟白晝
歡

聲大地共高呼

貔貅按部隊成雲
騏驎聯鑣錦作羣
從此八方無戰伐
好驅黃犢事耕耘

颺旆鳴鉦壁壘開
萬靈擁衛上之回
轅門飛騎翩翩至
報道遼陽露布來

車攻吉日美周詩
都試驅劉陋漢儀
干羽已徵文德浹
凱歌齊奏武成詞

一統開基頌廓清
犁庭三出駿功成
吾皇神武光前烈
億萬斯年保太平

元日皇極殿侍班恭紀十二首

五更鼓角曉霜清待漏朝房萬炬明魚鑰初傳人尙靜半
開左掖侍臣行

會極門循東館廊暗中環珮響丁當鳳簫象管微微試百
轉流鶯繞建章

文昭高閣近星辰千載西山紫氣新朱戶不扃金鎖放定
時鼓下候雞人

過閣前趨中左門瑤階露淨履無痕櫻瓊鬢借闈人卧片
刻安閒亦主恩

上清寶界獨徘徊俯視白榆玉作堆倦倚闌干東北望小
橋黃幕是平臺

中極遙聞警蹕傳
叩頭忙起傍簷旋
摠衣仰步斜廊上
定息凝神對樂縣

給舍雙雙導駕來
殿前葆扇一時開
金爐香散飛春霧
丹陛鞭鳴震夜雷

采恩色辨欲天明
燦爛卿雲滿禁城
歲協仙蓂元會始
祥呈玉燭泰階平

履分屬錦帶雙垂
咫尺天顏管借窺
春色九重瞻喜色
承恩唯有近臣知

案覆黃綾殿正中
珠簾高捲日初紅
琅函展表才宣畢
一派仙韶奏碧空

履端天慶鞏皇圖萬國冠裳虎拜俱寶座東西嚴侍從移
身奉玉對嵩呼

臚卿跪奏起歌鐘隨駕貂璫蟒玉重鳩鵲觀前歸象馬鳳
皇池上起夔龍

張助甫中丞綠波樓

仙人何事好樓居夜靜流鈴和步虛不用青藜雲外杖自
餘鴻寶枕中書

捲簾揮麈坐高樓開府歸來尙黑頭拊髀正宜酌聖王全
身那得效留侯

六卿分治首天宮赴義甘同敝屣看始信綠波吞七澤鑑

湖柱自重黃冠

春水年年漾綠波
桑田清淺幾經過
不知二酉藏書後
大業千秋孰多

雲臺峯道人留飯

華峯玉井蓮十丈
仙掌金莖露一杯
五鼎萬錢非所願
此身只合飯雲臺

宿太華絕頂

謝句驚人憶謫仙
幾回搔首問青天
福緣塵世能多少
消得蓮峯一夜眠

送何玉軒館丈罷官歸蒲坂

桃李無言蹊自成南征蕙苴竟誰明五湖歸去扁舟遠宦
海波濤日日生

薊門殘雪氣蕭森執手河梁思不禁遠別莫與淪落感中
條高卧主恩深

自憐薄命出彤闈漸覺香消舊舞衣願化上林春社燕年
年猶得傍宮飛

清明詞

女伴相邀過野祠香塵欵欵襲遊絲阿姨自製燕臺曲不
是吳儂唱竹枝

賣酒人家花事穠小橋流水對西峯敝衣不是無心典記

得慈親手自縫

張陽和館丈送太夫人還浙兼省尊公內山翁紀榮

識別五首

綠服承恩出玉京
潞河波靜正秋清
文鸞冉冉天邊下
畫鷁悠悠鏡裏行

第一仙郎衣錦回
薊門南望曉雲開
稱觴莫羨侯鯖美
自有江魚入饌來

緜笙湘瑟度芳洲
紅葉青山兩岸秋
桂影參差銀漢冷
版輿何異廣寒遊

浩渺煙雲入畫圖
月明清嘯出菰蒲
滇南百戰歸來卧
不

是黃冠乞鑑湖

鏡波亭檻碧芝榮
雲外青霞映水明
瑞草由來徵上壽
不須辟穀學長生

邯鄲道中謁呂翁祠

日暮黃梁尙未炊
邯鄲古道謁仙祠
紛紛塵土求名者
盡是盧生枕上時

同馮正伯集顧與睿第

孤舟遠客傍誰親
新月江城正早春
火樹莫辭花下醉
當年同是看花人

楊柳青青已作條
一枝先折贈河橋
東風似惜無絲竹
故

向筵前舞六么

省署諸郎應列星
瑣闥封事動明廷
獨憐持節江南者
白首抽書未汗清

送王四槐年丈移鎮開原

熊幡虎旅靖氛塵
煖日晴煙媚蚤春
爲謝攀轅諸父老
由來樞筦寄元臣

芳草萋萋淮水清
長亭新柳繫離情
雄關只在王畿內
莫更殷勤唱渭城

胡越于今正一家
可憐螳臂敢當車
遼陽戰士如虓虎
不用停驂式怒蛙

漢家天子選龍媒駿足如雲郡國來漫向渥洼求汗血空
羣元自產燕臺

當年胡馬肆侵陵驕將憑依勢轉增解拆逆謀成敵愾至
今猶說故中丞

開原旗幟逼呼韓憲使威名膽盡寒雨歇閭山消禘厲風
清遼海息波瀾

王家世業在青箱兩代何緣將畧長已見文章鳴藝苑還
看勛績紀旂常

館中詠鶴

遼海飛來歲月深長從仙館伴幽琴霜翎徐引松間步清

淚常懷雲外心

楊孝子廬墓

欲報昊天罔極恩
蓼莪詩廢信銷魂
可憐半夜荒丘雨
應爲孤兒洗淚痕

人言廬墓非爲孝
我爲楊生一愴然
多少華堂歡笑者
松楸冷落自年年

送潘侍御雪松以諫遣謫

登高臨水欲銷魂
送別長亭酒一尊
莫道春明門外遠
乾坤隨處是君恩

萬里孤臣去國時
風霜兩鬢欲成絲
清朝自與懷沙異
不

用悲歌續楚詞

諫草爭傳紙價贏古來人貌貴榮名蕭蕭匹馬孤村路
慷慨還如攬轡行

抗疏辭朝亦壯哉萬山秋色馬頭來誰言立仗長揮斥
駿骨千金舊有臺

五言絕句

宿紫霄宮四首

鸞鶴迎仙仗旌幢肅太清瑤階霜月下時聽步虛聲
前巖雙燈明耿耿吼猛虎悲風激高松山空月輪午
道人開夜宴簫韶奏仙子疑是九華堂殷勤認朱李

願借龍爲杖來餐棗似瓜紫霄一夜夢俯首視煙霞
何啟圖許大魚不至走筆促之四首

新水高於屋溪魚白似銀花間成小酌應念憶鱸人
清晨走稚子報道長須來坐久轉索寞持竿上釣臺
游鱗荇帶牽吹沫露珠溜不惜膾鸞刀寧憐泣紅袖
山木緣已遍長鈇彈自空主人放生者一任去爲龍

爲李將軍題畫

並翼棲山林帶得遼陽信晴日墮閒庭雙化黃金印

詞

奉旨擬撰詞曲 有序

王上冲齡踐祚勤政講學寒暑靡輟中外傳頌久矣會左右襲仇闕故智上頗爲所惑慈聖知之誠諭嚴懇竄其尤者數人餘責黜有差輔臣復極諫便殿臺省交章而給舍王君守誠至引撞郎事上爲感悟蠢惑諸具悉令毀棄輔臣思以翰墨娛上遂疏史臣更番入直凡禁苑所藏圖書畫卷發令題跋殆無虛日文華講畢入大內披閱鑒賞孜孜忘倦聲色玩好無隙可入矣一日奉旨撰二十八字詞曲每一字一曲又發八曲爲式予適右頰腫痛註籍服藥以情懇院長不獲復傳先進八曲上

亟欲覽力疾勉成以爲餘可弗作忽一日晚傳二十曲限明早進時街鼓已動而頰侵淫至頸不可忍呻吟拮据至五鼓幸就以爲病中譖語棄去不復視越旬餘於戶曹館郭生希泰所見一帙則諸史臣詞曲咸載蓋王發內閣選擇爲錄者予倖十收五六漫讀之不知爲已作也夫詩變而爲詩餘惟宋人最工然多托意闐闐寄情花鳥雅致俊才得以自運故悽婉流麗能動人耳茲義取對君格專應制至於仁義禮智孝弟忠信等字束以花間之體即使秦周康柳爲之亦失故步而予章句拘

儒雅弗嫻此矧病軀深夜催促嚴急既寡檢閱之
資又乏閒適之趣乃欲藻秀差強聲律弗外不甚
遠哉雖然在應制者大都頌爾而伯可諸詞淫褻
柔曼類于俳優眎唐人鬱輪袍清平調又每下焉
斯藝之詬也上所命題成倫理之大象形之顯卽
文房諸具亦輿几盤匱之意非前代聲色遊豫屬
其臣夸詡而詼調也迺予所作時寓規諷上不以
爲罪猶見錄也豈非詞垣盛事儒臣希邁也哉伏
日曝書偶見此稿謹葺而恭識之其他應制諸作
另爲一編茲不具云

日

化國舒長喜扶桑麗景早出暘谷陽德方亨萬里堯天晴
照五色呈祥眩目海內外臣民瞻矚乾坤正快觀容光鍾
山漫照神燭○溫生比屋人間有傾葵丹耿獻曝誠篤永
就吾皇應共效華封三祝願使多男壽福曜霽與離明馳
逐何須問弭節羲和年光一任轉轂

右調萬年歡

月

太液波澄看遙空雲斂井梧風歇冉冉冰輪光映玉樓金
闕正遇太平時節喜八萬四千工輟銅龍滴夜漏遲遲廣

寒仙樂清徹○霓裳按拍更闌見姮娥振珮連袂姑射杵
白靈丸敬上長生寶冊頻勸兩宮瓊液灑氣爽桂飄鸞翻
惟願取歲歲年年團圓常如今夕

右調萬年歡

風

搖颺蓬瀛漸蕭蕭汎漾微拂千頃重譯占祥遠貢神香葱
嶺漫道無形無影更橐籥洪鈞玄秉深宮喜燕雀高翔合
殿遠飄寶鼎○微涼未迥飛揚陋徒思猛士橫汾清冷辨
悉雄雌祇是蘭臺詞騁上遡虞廷勝境迎薰把五絃操軫
四時應律脩通常送卿雲麗景

右調萬年歡

雲

非霧非煙看紛紛郁郁輪困飄渺蒼蔚朝躋倏忽氤氳蓬
島瑞靄彤庭旋繞方車蓋頃成羽葆仙葩儼玉葉金枝常
覆琪花瑶草○呈祥未了濟時喜觸石五岳爲霖八表黃
兆豐年青應賢良國寶遙想廣成論道翩翩至帝鄉幽窅
何須問穀食鶉居乘虛萬年不老

右調萬年歡

雪

百花斂萼三白呈祥正是豐年時候密布同雲看頃刻光

登清晝飛絮紫珠簾透報春色先歸靈囿瓊樓玉宇賞羣
仙鈞天時奏○宮瓦凝寒溜烹試龍團金爐添寶獸黃竹
勞歌覆載洪恩等高厚靖荏苒開斥堠聽挾纘歡呼介冑
騁妍抽秘侑瑤觴永稱萬壽

右調應天良

霜

高秋氣肅太液痕收已見井梧蕭索鶴馭翩翩青女司時
來綽約綴寒林霏玉萼挫物助歲功非虐禁城聽萬戶砧
聲夜涼衣薄○凌晨眺高閣黃葉丹楓春容驚錯落瞻望
瑤階鬱葱葱光凝鳩鵲歲豐登民安樂慶西成皇恩溥博

願常玩易訓堅冰時時欽若

右調應天長

春

青陽布暖壽域鴻鈞轉仙桃醉晴絲捲新波溢玉隄淑氣
輝金殿芳菲日建章宮樹流鶯囀○膏雨盈畿甸霑澤乾
坤編世登三歷紀萬賞花陋宋會旣醉宜周燕雍熙樂年
年黻展承天眷

右調千秋歲

夏

朱明扇穆長養欣生育榴薦紅荷翻綠虬影舞仙槐龍種

看新竹微雨過峯瞻萬歲懸飛瀑○合殿爐香馥永日縹
細讀清虛境銷炎燠已頒滌暑冰更賜含風服聖情豫南
薰時送虞庭曲

右調千秋歲

秋

清商澄霽木脫炎雲退玉露零金風至飽宜鼓腹歌醉見
豐年瑞民相告西成盡出吾皇賜○喜值虹流會時與華
封際咸虎拜綿鳳曆甘谷薦初英壽尊浮仙桂齊祝讚太
平萬萬千千歲

右調千秋歲

冬

玄英寧止嘉候書雲美玉樹茂繁苞啟芳殿靄晴暉椒宮
詠麗綺豐稔兆天花亂翦瑤池水○皇情軫閭里饑寒恒
切已善苑春契晏子十行恩詔下四海春溫裏樂歲暮鳳
城雙闕歌鐘起

右調千秋歲

山

峭嶠岩巖看赤霞千疊翠微萬仞含精毓秀輿地咸標重
鎮有時布氣宇宙內甘霖飛汎漫說道回首雲低始信舉
頭日近○生草木藏寶瑾更珍禽瑞獸來儀充牣貞明兩

矚隱蔽崑崙迭運嵩呼聲震吾皇萬壽同安靜願不讓卷
石土壤魏魏共成神峻

右調漢宮春

水

道一天生漸濫觴涓滴渾淪浩渺趨子歸墟應契化機微
杳流坎盈科歎如斯無停昏曉妙有本必貴觀濶試例秋
來行潦○圖書見人文肇洩萬古精英信不愛寶久靜鯨
濤頌聖歡騰嶼島少海呈潤河清上瑞飛馳報看恩波德
澤汪洋歲萬載永蘇枯槁

右調漢宮春

仁

大德曰生大寶曰位臣民攸託凡在兩間均爲萬有豈限
藩籬隔渥澤旁流洪恩覃布仰荷吾皇並育粵稽古帝堯
如天當今重見溥溥○歲稔人和刑清盜息春臺共登同
樂草木山川魚鼈鳥獸在在歌咸若島嶼傾心羶裘向化
元氣貫通寥廓信盛世皞皞相忘難名聖作

右調永遇樂

義

剖決根心應酬因事唯吾調劑殊途同歸百慮一致天則
原不易味酌寒炎辨窮栝棧益信昭然在內妙化裁通變

白竹堂集卷六
五
宜民共仰吾皇盡制○人道漸磨天時舒慘並用疇能偏
廢綱紀四方儀刑百辟六合咸歸極監二從周書一陋漢
民物喜看生遂樂大有自天祐之吉無不利

右調永遇樂

禮

青海停波黃沙熄燧萬方共荷昇平嘉會惟時洋洋秩秩
稱情經常大典超前代作述脩惟聖惟明笑叔孫綿葛何
爲謂魯儒生○百王損益協幽顯見朝廷郊廟肅肅寅清
三百三千咸趨品節章程不讓已知天下治頌成功人樂
和平願不刊垂萬斯年率祖攸行

右調慶春澤

智

賦予維均聰明獨秉由來至聖兼全妙用員神能周萬物
如天丹穴何人稱戴日羨樛里滑稽堪憐看至今禹迹茫
茫遙想當年○吾皇睿哲同虞舜見好察好問隱惡揚賢
建極用中兩端並執無偏鉤距不施良吏顯樂和平鑿井
耕田相忘試讀南華記取閑閑

右調慶春澤

孝

五倫百行伊何始罔極恩深莫比怙恃劬勞撫育顧復莫

罄詩人詠擬追踪芳軌豈左右承歡但進甘旨古今孰大
巍巍獨頌吾皇美○正值太平豐稔貢萬邦玉食慈顏燕
喜問寢龍幃稱觴鶴禁樂事光輝彤史介福繁祉仰錫類
一人儀刑萬里寶婺長明前星共耀歌周妣

右調齊天樂

弟

人生難得惟兄弟記取連枝同氣孔美怡怡詩詠韡韡此
語真堪玩味賢哉姜被更春草池塘夜床相對尙論開元
聯芳花萼獨何事○天祐皇家全盛喜填篋和樂本支百
世讓棗推梨親富愛貴至性由來不易蒸和感瑞看俗羨

鵠鳴風淳虞芮四海雍熙荒陬遠徼惇恩義

右調齊天樂

忠

乾坤定位相傳久大義孰逃宇宙學校甄陶農桑養育恩
德誠同厚況逢奇邁已委質事君登庸掄秀耿耿丹心庶
幾夙夜翊明后○載思葵藿向日更狗馬戀主豈由人授
臨難全軀蒞官媒利微物當知見諾致身匪謬但殫竭勤
勞疏附先後千載虞廷賡歌喜起韶音奏

右調齊天樂

信

中孚玩易出令如金石上下惠心兼惠德始諒豚魚可格
○四時脗合陰陽至誠配德穹蒼與國人交維止緝熙今
見文王

右調清平樂

琴

嶧陽古木誰削鳴金玉崔嵬萬丈懸飛瀑更奏杏壇一曲
○宓子單父稱賢雍門何用悽然吾皇時懷民瘼南薰獨
撫虞絃

右調清平樂

碁

奕秋小技妙契談兵意虛實衆寡各爭利方紙卽分疆場
○翠華便殿時臨緝熙聖學精深好共夔龍論道莫因鴻
鵠移心

右調清平樂

書

蓬萊永日雪齒揮仙筆鸞翔鳳翥映奎壁元氣淋漓猶濕
○銀鈎寶墨相鮮科斗復見千年共識雲章藏處紅光上
燭遙天

右調清平樂

畫

珍藏秘府遠陋宣和譜始信良工心獨苦漫道神凝阿堵
○丹青巧妙多途爭傳顧陸張吳好繪麒麟名佐還成職
貢佳圖

右調清平樂

硯

金聲玉德方寸涵瓊液時近君王濡寶墨四海共沾玄澤
○龍蛇煥發天章封侯允錫石鄉玉靜厚堅朴重文房獨
壽無疆

右調清平樂

筆

中山玉兔誰製成毫素夢綵生花

月露豈若頡皇獨步

○遙思謬謬忠勛橐籥執贖股勤千古光昭信史一時特
紀明君

右調清平樂

墨

龍文烏玉自愛臨池浴晴嵐微滴松煙綠涅盡南山翠竹
○隄檠蟠結雙龍立香暗透天風知在蓬萊深處光縈瑞
霧長虹

右調清平樂

劍

玉鐔泥檢秋水芙蓉淺皓靈上徹休祥感紫氣丹霞交閃
○銷兵久際承平風胡薛燭奚評疾視願觀孟氏短衣好
戒莊生

右調清平樂

孝懿莊皇后發引鼓吹詞

彤編耿耿遺貞素草滿園陵悲宿露啟立宮乘玉輅暮秋
蕭索沙河路○仙仗千靈護漸隔迢迢煙霧悵望慈雲飛
度萬姓同哀慕

右調應天長

元輔郭公爲方塘翁作漁父詞十二首君家故事也

予既愛其詞之幽恬有桃花流水之趣而又慕翁
之高思一至其地不可得因如其韻和之俾童子

扣舷歌焉

芳杜洲中理釣竿綠陰深處弄飛湍青作嶂錦爲瀾九淵
冲勝示鯢桓

不向君王乞鑑湖得魚沽酒共樵夫醉鄉內有蓬壺笑殺
三閭非我徒

風雨連宵水滿塘蓑衣箬笠漫徜徉歌歎乃和滄浪莫咲
狂夫老更狂

方塘寂寞對雙扉問字何人載酒來傾瓦缶厭金壘月落

汀洲尙舉杯

怕有漁郎來問津野航常繫古塘濱了官稅整絲綸不管
催租突叫人

江湖滿地一漁翁家逐船移浦浦風啾腐鼠送冥鴻此意
玄真諒與同

柴門斜逐蓼花灣江上悠然見遠山餐紫翠枕潺湲一葉
煙波自往還

渭水無情日夜流空傳釣叟貴營丘桑海事此悠悠惟有
忘機是勝遊

紅蓼白蘋結近隣沙鷗蘆鴈伴閒身耘圃畔釣江濱蓴菜

鱸魚未是貧

巴蜀雪消春水生扁舟處處結幽盟歸去晚片帆輕認得
漁燈隔岸明

苦海茫茫未有涯浮生碌碌等空華眠葦絮飽魚蝦誰知
真樂在漁家

物色當年紀漢庭一絲九鼎薄青冥傍孤嶼撫幽汀玄象
何人應客星

秋夜聽雨

幾陣空階落葉黃四簷風急潤衣裳哀猿巫峽更三點老
戍榆關泣數行聲斷續韵琳琅井梧蕭索楚天長打蓬門

外秋江漲擬起衝泥問客航

右調鷓鴣天

贊

張陽和像贊

制科大魁講幄從官遠宗明道近淑伯安千仞翠嶽萬頃
清寒如擊金玉如挹芝蘭所可模者人貌翩翩爾若夫肫
肫孝思烈烈忠肝如水行地如日麗天使後世忻慕願爲
執鞭者又豈在於縑素間耶

田子藝像贊

貌和以平神王以清揮麈而談四座盡傾紹鯉庭之業毓

虎林之英慕節俠而涵以義理是我大明之田先生

盛泰甫像贊

汝髮何鬢汝目何炯約身韋布而不慕乎曳裾奉母菽水而實榮夫列鼎市驚虛左之車門維問字之艇斯古之孝廉而隱者歟

顏陋菴太醫像贊

汝貌臞臞汝氣于于藉術混世援醫飾儒龍乞砭兮靈歛昇漢虎求餌兮威失負嵎於乎陋菴斯所以戶屨常滿而名聞於都也夫

畢從周像贊

始吾與子唱酬長干也以爲詞客者流繼與子嘯歌燕市也
也以爲酒人者儔迨登太華躋崆峒方舟吳越而聯榻金
焦也又疑挾飛仙以遨遊吾與子莫逆且不知爲何者茲
覩厥像其殆嬰情婚嫁而雅志玄草混迹湖海而系籍丹
丘者歟

自像贊

汝心雖慈而力不副汝志雖大而才不足一丘一壑適若
鴻鸞冠之紳之拘如猴沐疾病呻吟百年八九悲愴鬱悒
十居五六勉強爲善私謂可以告天辛苦積書庶幾以之
貽穀咄若爾者固不爲後福之容容而胡爲生平之碌碌

耶

三節贊

子友張子厥名大信千里靡竟中隕神駿厥妻李氏矢志
柏舟厥妾丘氏同節相求子女俱無兼之少艾金石冰霜
不間中外大信之弟大教有聲先兄而卒妻亦幽貞秉節
立孤艱辛萬狀與嫂相依蕭然窮巷苦心苦日相懋相安
如竹松柏不改歲寒親戚官府亡一問者棹楔表閭乃多
富舍予使過里往拜其廬固請相見且拜且獻雅以嫂事
矧烈如此爲生者欽爲死者喜二子而在卽遂成名上壽
撫仕奚若是榮嗚呼是榮寧直張氏凡我申人藉光曷已

美哉三節千載猶存更二夫者毋過此門

師竹堂集卷之六